

香樹齋續集

PL
2705
I378A17
1750
v.10



香樹齋詩集卷十三

嘉興錢陳羣集齋

平定銅部武成頌

有序

我師既定伊犁逆夷阿睦爾撒納是時
志狂特進亂自思作亂天理所不容
其憤激伏竊諒賊之逆怨大小同和
本何為準禍禍所期

皇上憐其本鄉部望族加恩特之俸在安其所以
窮台結匪徒探食祖中阿逆之例其
情其理其言其行其言其行其言其行

香樹齋詩續集卷十三

嘉興錢陳羣集齋

平定猗部武成頌

有序

我師既定伊犁逆夷阿睦爾撒納逞其私
志狂悖逃竄負恩作亂天理所不容神人
其憤旋伏冥誅助惡之逆猗大小兩和卓
木向爲準噶爾所拘

皇上憐其本猗部望族加恩釋之俾各安其所乃
窮奇檇杙兇悍貪頑早中阿逆之餌乘間
跳梁攻勤王之台吉宰桑而襲其衆誘奉

遣議事之使臣於中途害之且敢冒死抗
拒罪難擢髮煌煌

天朝如二酋者一日稽誅逖聽絕徼保無有生其
心者於是簡將練兵載整軍實饋轅者置
之法用命者專其任將軍臣兆惠臣富德

叅贊臣明瑞臣阿里衮臣舒赫德仰稟

廟謨率先奮勇外藩君長敵愾効命者分隊長驅
周歷二萬餘里閱寒暑者再或乘危據險
或拉朽摧枯或迎刃疾馳或分路應援或
設伏伺隙或執言明罪或曉諭利害將和

令嚴機湊事集下十餘城闢萬餘里歷代
史冊所書未有倫比逆夷狂酋相繼殲命
大甲曰自作孽不可逭順逆之理雖遐荒
幽昧凡有血氣者不能外也昨者遣一吏
於俄羅斯而阿逆屍獻今也

申明諭於拔達山而二酋首授實由我
皇上敬事

上天昭受默佑善繼述以丕顯承用能覲
光揚

烈功成於意外勲邁於隆古若斯之盛也

皇上御極以來告武成勒銘於太學者三以古證
今金川之捷脩文德而禿髮歸仁有虞氏
之格苗民也近之猺部之捷殲三逆而威
振鐵勒高車也軒轅氏之逐蚩尤近之初
無拓土開疆深入窮遠之心自致回面革
心稽首稱臣之化豈非天哉豈非天哉臣
伏覩我

皇上仁孝格

天謙冲秉德不矜不伐益勵乾惕迴思西師未捷
以前軍書織絡仰候

裁示卽定省

慈闈以及省方問俗蹕路蘭舟午夜塵懷心馳萬
里今之大捷奏

聞

璇宮喜溢中外臣工普天士庶莫不抃舞稱慶

臣

身沐

聖慈至深至渥歡欣踴躍有喻諸懷而不能形諸
口者謹拜手稽首而獻頌曰

聖文洋洋

聖武孔揚奠彼徇疆彼徇之先回鵠種延環於于

闐其在唐時或羈縻之繒帛是資元魏及元有事
大宛則折其樊其樊種遺薄於準夷侵侮而齡蠹
彼二酋準夷所收旣躪旣蹂我師則臨二酋是矜
舊黨斯憑波羅泥都獸穴是窺言負其謁言脫於
阼伊犁且淹曰霍集占阿逆負恩兎脫縻奔逐隊
遊魂我

皇赫然同仇令傳

時哈薩克迎我捕逆之師
納款稱臣願導我師捕之腦溫

江邊逆窮於追薄俄羅斯乃獻其屍首逆旣殲二
酋影潛我師鋒銛金魚偷生入庫車城行見就烹
我整戎降者望風惟予命從援軍旣來黑水堡

開爭先如雷三路進攻土納賦克四大崇墉

烏什阿克

蘇哈什哈爾葉爾奇木皆狃部大城

崇墉言言降狃實繁來詣軍門

拔達山汗奉檄騰歡孰敢面謾旋飛軍書曰殲其

渠復擒其餘狃部奉經守例徑徑

先是拔達山汗告稱狃部奉經

典無自拏狃人送與人之例恐別部落滋事求免擒獻

遷就少停將令復申

爾既歸仁我言爾遵狃長畏威既感既依以首首

歸獻捷音遍燕于

皇天

上敬受焉

列祖之光

聖母之祥受命溥將誕告武成泰階旣平錫福寰瀛

右恭仿元結中興頌體七十八句

結所撰頌體皆用平韻守韻極嚴三句三
韻一解凡平韻之通叶皆不用自唐以後
詩家罕有依此者觀結自序曰歌頌大業
刻之金石非老於文學其誰宜爲當時杜
甫顏真卿李白輩皆敬服之臣不揣弁陋
前於金川大捷曾仿其體進呈蒙選入
方略卷末今之歌詠

鴻黜亦仿此作頌惟是

皇上功德遠邁有唐臣之末學不及元結用自慚
慙云

讀歸愚尙書禽言戲題三絕句

平地還須一杖隨況于泥滑要扶持算來只有劉
伶達埋在泥中任爾嗤

春禽特地喚窮黎頭白尙書演作詩便付吳兒翻
水調因風吹與長官知

蠶收麥熟上官租好雨知時無處無泥滑晚來行
不得又聽柳外喚提壺

賦得冬日可愛

日本非私照和光恰遇冬高時安客夢負處暖邨
農縱未消冰凍猶堪瑩雪封牕檻延景入節候似
春逢衣被無寒骨醇薰有醉容孰能名可愛比德
想顒顒

同年盧雅雨都轉七十初度寄懷一首

當年同赴選佛場與君年各三十強歌聲自喜逼
華蓋華力共許冠東堂宦海風雲一揮手我校紅
梨君墨綬叱馭不辭隴坂惡官閑載酌凌雲酒我
昔奉使走渥洼君夢三刀開晚衙軍將輕馱到行

解紅綾封寄陽羨茶清時循卓徵熊軾劇郡來迎
二千石監司初簡席未暖塞外西風指輕策歸來
雪色上華顛囊中賸有詩百篇復畱清惠在畿輔
一麾又駐灤河邊我時鞫讞遼水清風臺上膾
雙鯉無何移節到長蘆舊雨來時看倒屣我昨抱
病辭鵷行潞河挂席還故鄉君攜家釀出相勞扁
舟遲我沽水傍退之爲雲逐東野二月花旌又南
下平山堂外雙水橋減從春遊來約我舊時領袖
數推官風月文章八十年昇平勝事誰當繼多說
重來盧玉川玉川守官執事敬裕國通商多善政

如市臣門如水心
蔭毘欽承

天子聖平生任恤周
滯幽通津故舊指麥舟
亦有涸魴待波及羸紕
斟酌資豆區公餘考據
仍不廢蒐輯遺書廣經
義漁洋感舊集未成
剗氏新鐫盡編次君
今十月八十開吾衰未
隊羣真來低徊四十年
中事蘸墨題詩佐壽杯

又一首

才謝逢人祝嘏詞
因君偶復一爲之
當年並馬看花客
到處同舟門酒時
白傳行過洛水墅
紅橋爭

和玉川詩

盧尚書簡辭別墅在洛水傍香山約僧佛光時一過之

幸沾

聖世天漿澤共保如春百歲期

題回道人像

戴華陽中揮羽拂子江樓寓公官閣居士偶乘白
雲松間竹裏黃鶴未來且行且止

冬嶺秀孤松

後凋呈本性衆望一時收得地乃如此摩天豈自
由嶺緣松益媚松倚嶺逾幽琴筑音皆叶蒨蒨氣
獨畱有心終不改無意若相求風入翻蒼鬣霜饕
動玉蚪豈惟彰勁節於以見純修海上三峯孔凌
寒色更浮

恒軒相公於廟市見予所書歌嘆長卷出數
金買歸識其所得月日適予子汝誠蒙

恩擢佐樞部卽題四絕付汝誠守之汝誠爲相公
所得士予與相公世講相契將四十年中
獎借固不敢當而華墨顯晦有數焉不可強
也適汝誠遣孫端歸省持卷以呈狂喜數日
遂和韻以識卷尾

送老毛錐又十年每于着紙便流傳誰知廟市成
零落物色塵埃有大賢

課子曾批帶有餘

老泉課二子每閱卽抄見朝貴
奏劄輒命題爲課一日韓范謝

賜裘馬擬謝東坡一聯云非衣垂之而帶有餘非
敢後也而馬不進老泉批曰可畱與軾他日自用
之誠兒十五六歲時
予亦以時事題課之廿年樞部荷遷除得承師法
同傳笏更拜家雞一種書

卷阿扈從紀全遊示疾維摩返舊邱最憶花時春
散直射堂薄醉上重樓

弱冠曾依范相來予未成進士時南沙師相勸經
為叅知政事遇予甚厚

燈帳許相陪 熙朝濟美承

恩渥賢相家風蔚令才憶軒諸子任中外皆有賢
聲幼子元樞兄弟近尤好

學能世
其家者

附原韻

蔣溥

南廬清暇憶當年林壑風流海內傳詩法付將
黃閣老每逢譚藝見名賢

天語殷勤入直餘朝來樞部拜
新除已推雛鳳
清如許雪映南湖尙著書

祠裡流連記昔遊丁丑湖上之會髮青髓綠遇浮邱遙

瞻南極情逾迥欄檻高吟煙雨樓

北海交遊兩輩來師資他日定追陪卷中二老

推前席讓與錢家接武才

已卯清和月朔香樹居士令嗣有少司

馬之命

恭跋

御製開惑論後用韓愈石鼓歌韻

十年三讀太學碑

十四年平金川二十年平準噶爾二十四年定回部皆有御

製碑文臣俱敬書恭跋

職司紀載頌與歌近從

頒賜讀

昨蒙

教讀

御論啟迪其奈顓蒙何維歲甲戌歟絕塞準夷來

請揮

天戈密宣公孤與廷議儒守繩墨同不磨我

皇穆然運廟算幽遐布濩皆遮羅五月報捷不遺

鏹伊犁既定功巍巍名王旣俘幕旣掃光茫焯爍

仰太阿

帝曰是予繼

祖志顧於儒也無譙呵無何逆夷逞狡猾包藏禍
心遂嘉訛

皇軍善整衆面內其反側者以罪科飛馳織絡稟
指示長繩遠縛生解鼉蔓延猶恐充道路如伐枳
棘尋無柯西盡羅刹逐游鯢我師直入如投梭由
來軍旅貴神速馳驟風雨無委蛇名駒汗血獻牙
帳豈僅支石遺星娥用張騫事早聞赤地賜甘雨異域
千里沾滂沱黑水圍解援師接復據地利兼人和
虎賁踴躍出死力兜鍪不着頭或科我兵三千勝

數萬仁不爲衆原無多深目高輔悉羅拜廣漠四
野皆眠駝崇墉遠落抱遺已昔所障閼今經過于
闐寶玉玃

內府特達自足供切磋當年石韞信耳食

御製和闐玉

詩有云和闐昔于闐出玉素所稱不知何以出今乃悉情形石韞山含輝耳食傳書生其實產於水在石亦浪名案宋史于闐水生玉御製詩所云蓋我師深入回部已過于闐而直趨拔達山矣
月光夜射高昌波二酋授首獬部定二大部落平
無頗一經

天語復提命碩儒屈伏明無他大官老事不曉事
自笑結習真嬖嬰豐碑

鴻篇樹太學試從退食三摩挲西師凱歌及軍書

武成紀事恭吟

西師凱歌軍書紀事皆御製詩篇名

小臣婉弱

愧內史墨沼或可翻白鵝歌成高唱陳

黼座隨風飄落西旃那廼知

聖德同日月畫疆之論

自唐以後始有守在四夷之論

非孔軻年

年華平奏王會洗兵萬里澆天河敬書千言附驥

尾

臣雖老矣其蹉跎

立春日踏雪訪官怡雲方伯出新鐫詩集見

示卽畱小酌賦謝

相訪若相遲

去聲

嘉招不用尋春從雪裏入情向酒

邊深詩句千秋事平生萬里心
世間鐘鼎客或亦羨山林

題讓山和尚看梅圖

跡共孤雲自往還心如止水得清閑
結茆和靖梅花里不用重尋鄧尉山

送宮虛谷擢漢嘉太守

五年來佐郡萬里去專州
子舍勞清夢家書付遠郵
倚兄承色養爲政在勤修
蜀土迎文黨吳中攀鄧攸

聖朝方孝治大地待敷猷
莫負南湖約言還慰白

頭

次韻題朱畫圖上舍雙芝圖

芝本星之精豈辱耳目玩生祥有先物遂產庭除
畔和氣所綢繆堅緻自爲幹無根而萌芽挺拔誰
能竿仙人或來過小憩畱一衍扶踈陰童童光彩
何爛爛理實外旣彪瀾碧各含半似璧竟成聯非
魚亦偶貫羅列几硯側寶琰復珍琬由來張老言
寓規必於讚繪圖傳斯瑞奕奕神猶聚要同則自
榮毋使木鄰灌令罷他日成見爾青衫換及時愛
居諸慎勿擲涼曠禍福默倚伏其理本汗漫因之

追昔遊臨風忽淒惋陰德種于門對之發長歎

尊甫

浣桐方伯居官多善政

送朱壻宗盛之官楚南

捧檄拜慈母居然毛義情一經通治譜萬里刷鵬程
古驛縑山近春船湘水行莫嫌官職冷要比玉壺清
花落訟庭暮月明巫鼓聲倘移勾漏去爲我訪長生

幼時侍母太夫人至廣福女僧寺中太夫人愛其清淨畱數日庭中古梅一株初著花太夫人蘸墨圖之今六十餘年矣攜老妻幼女

復至其地先澤猶存鐘魚宛在不勝今昔之

感云

兒年此地踏芳塵曾奉慈雲現佛身
鳥下雙林猶識偈梅依古砌尙畱真
淨便洒處香爲界蘿靡深時草是茵
十四沙彌頭盡白重來覺路話前因

訪研雲第五叔

生還且喜慰相存南阮風流又一村
入徑苔添新杖迹進船水長舊橋痕
家傳猶有尙書履物望都稱通德門
管領林泉閑課在畹蘭添子竹添孫

長歎

日日圖書得古歡如何兀坐發長嘆
率真儉是安貧藥守拙癡爲駐老丹
擔在肩頭何處歇棋從局外始知難
壯懷偶激囊中劍取向尊前試一看

茶聲

直次作補錄

禁漏隨風去茶聲空際傳
暖偏溫客袖色已入爐
煙著樹聽春雨隔林聞遠泉
撚髭成獨坐時結靜中緣

九思箴示端孫

淑慎爾身君子其人思則得之云
何勿思爾有視聽明聰則正惟溫而克
惟恭作肅言忠庶可復也

事敬如執玉也芻蕘可詢蓄疑者愚忘身及親忿可不懲歟逐臭者役貪利者墨其目惟九惟思則一其敬受之循循焉我訓之率

沈德隅孝廉八十壽

天許銀袍作壽民當年燈火倚比鄰

予官編修時假旋曾賃居

孝廉齋頭數月

緇衣雖敝猶能改白首如新忽率真郊外

閑行孫是杖林間小憩草爲茵耆英會上論年齒

韓國應居第二人

宋元豐中文潞公舉耆英會尚齒推富韓公首坐時韓國七十

九歲故云

題孺岩孝廉集杜册子

八斗才人餘事在平生一卷杜陵詩鑿開崑玉無
窮寶採入奚囊絕妙詞漫與慨慷隨所寄天然對
屬更多奇慚予衰朽勞鞭策循誦題牋盥手時

予刊

香樹齋續集孺岩
集杜四律題之

集嘉樹軒分賦得花字

春波橋外碧流斜扶杖來尋道韞家石罅細通海
眼水牆陰初放米囊花解圍時聽屏間語題句畱
封壁上紗倘得餘生成小隱太平風日約桑麻

上巳日雨越二日晴暖同人集斜月杏花屋
補修稊事用昌黎縣齋讀書韻

卧痾寡所歡閑門違泉林佳辰况風雨倦飛禽鳥
心春陰易爲霽便欲祛煩襟近局設鷄黍勸我酌
與斟談諧有舊侶履綦無遠尋繁花紅自照衰髩
霜自侵相對一相笑適意惟自任異哉世上人結
交須黃金

兒子汝誠拜 賜

御筆背仿文徵明畫卽用其韻真異數也汝誠手
抄

御製詩附家書寄來因得恭讀敬和一首以志欣
慕

曾試都籃異品茶每於游藝敵專家溪聲穿石通
茅店人影過橋上寶華畫意澹如踈柳色詩情清
似老梅花華端靈氣真天授幾點松煙幾隊鴉

恭和

御製詠唐時銅器元韻

不脛而來古敦匱金銀錯出屬何時覩茲重器徵
神貺始信先幾早默遺唐史元書竟誰是奇文殊
教本難知而今回地歸全部諄眊應呼口授師借
伏生口授尚書古文事

恭和

御製和闐玉元韻

一玉換一馬舊史之所稱馬良玉亦美同珍而異
形方其初出水如捉龍駒生漢宋代來貢綠白烏
各名于闐玉生河中玉有綠白烏三色月光當盛處射水孕其精
高張晉天福三年遣供奉官張匡鄴高居誨入于闐策李聖天爲大寶國王凡七年乃還居誨
有行七載頗記其所經求玉或失望懷璧致興兵
記何如玉河歸乾隆二十五年我師駐和闐凡產玉處皆所親見遂得採歸今回部皆屬
版圖玉河皆我境內物也自致上品瓊撈玉如調馬日見千里
呈菽粟

聖所貴殊方其敬聽鑒茲藏淵義昭我比德貞秘

石既陋燕抱璞徒嗤荆不求者自獻物亦感至誠
地祇不愛寶斯言信有徵就中特達者等之千人
英

恭和

御製中秋帖子元韻

行樂同民莫等閑太平水調未教刪年年玉塞嵩
呼日傑閣應題萬壽山

金盤萬里曜清光空際如聞百和香何處殷勤勞
達曙羣仙環佩約雲匡

弦管繙成付教師廣寒宮裏譜新詩九霄今夜冰

輪月照徹和闐產玉池

和闐水中產玉遇秋月皎潔卽得美玉

鈞天側耳上高樓桂屑霏霏風露秋南國詞臣延
佇望四千里外進詞頭

放鹿行

當年扈從曾一到

十載前臣隨從木蘭者再

豐草長林未窺奧

八校分行鴻洞陳欽飛鵠候搏桑曉

叶羽獵周陞

儲侍勤臣亦和門侍立人簿之所登鹿爲正駢頭
列角何沄沄井絡參旗罽亦密伊尼求友情如漆

一經

天語祝綱恩但聞嘖嘖去相率

聖舉適可明無他他他籍籍不旣多誰入吾網誰
脫網默叅造化理剎那於圍放鹿鹿可避於水陳
魚魚亦逝始知王政本無私權衡稱物兼仁義試
讀南巡示吏詩觀打魚歌罷漁歌皆法駕南巡所製同此盎然見生
意

代東寄尹元長宮保

白髮存知己相思水一方詩篇歸大雅事業在平
章

帝室絲蘿重

天朝雨露灑閑來論譽處懷德不能忘

其二

聞說朝

天闕龍光禮數周首行升命婦

尊壺張夫人以淑慎聞特旨拜

一品夫人袖領尚書命婦

三接晉康侯述職陳民莫颺言獻遠

猶從來元老望伊吕道爲侔

雅雨都轉

陛見回揚州有重題芍藥詩四

首因次其韻

八年花事會遮畱愛惜春光轉欲愁聞道將離花

正放

皇恩又許到揚州

並蒂連趺十二枝劉家花譜未爲奇使君饒有看
花癖簿領餘閑小部隨

露裛風篩門曉妝薄陰天氣蝶蜂狂襲香軒裏分

牋客

去夏鶴亭主人飲予于花間湧輪侍讀壽門處士授衣山人兄弟在坐分韻賦詩

定

有新詩侑一觴

曲奏旗亭記昔遊風流一瞥歲云周明年更約人
雙髻此地重尋花並頭

庭前種盆荷數本年來極盛今夏葉稀少著

花一二如拳頗露衰狀然姿態猶存也因題

一首

花面如人面風情太可憐如何當盛夏似欲感華
年瘦與道爲遇清知神自全由來同不滓相對一
悠然

秀水學宮頽圯日甚諸宮贊錦倡首議建陶
善士讓德慨然願出貲重新紳士各量力以
欣陳羣雖籍隸嘉興然松茂栢悅草木且然
況於人乎詩以落之

昇平氣味自綢繆高卧懸車亦抄聞最愛里人成
善事卽今疊序振斯文一從

萬乘親臨泮

乾隆二十二年春三月
中親詣文廟有詩陳羣奉
上駐蹕吳
勅恭和

訓示深遠明長幼之老題詩學張老六經比戶共
真千古未有之

元韻及識仰見

聖主眷舊扶衰憐憫序

聖慈高厚洵爲至極夏五

達其萬一者臣間有

元韻恭和四首另本圖成

呈外臣亦敬和四者卽命其子汝誠

睿鑒臣謹序

人嚴福齋歸臣展圖恭閱盡

曉夢周公未啐茶

合寄

深文明書結體天然三絕也

傳墨寶到臣家檐前而言曰此我

華說與卑枝長護本而神妙至此天縱多能亶其
風煙接天際依稀下見於書大傳古未有成圖者
墨卿初召試芳茶盡然如商子所云臣不能畫鹿
法孔楷周模同氣色盡樹木者必依山臨水或倚
千機錦筆勢鋒迴滿取勢引勝然後稱能事焉卽
猶自學塗鴉能除此結習今

午日當年賜葛茶殊兩木各具生意蒼茂葱蒨自

不家濡毫著紙流恩司空圖云神出古異澹不可

人能結棗

黃鶴樓西
岩手植色

遂感鄰封賦采芹我節揭慈孝之旨目擊而道存
鋤耘

至寶也臣又恭繹

恭和

御題橋梓圖元韻有愛惜溢於行間

乾隆二十五年臣感激涕零有楮墨所未能

御筆橋梓圖一幅幅子汝誠當卽敬依

御題詩一首後有識進

諭曰是賜臣錢陳羣首仰禱

寄去六月八日家

蒼老秀厚詩情

用書大傳及盧仝謝諫議
茶詩意時陳羣曉寐初起驚

臣伏地九叩跪黛色連雲氣堂上清陰挹露

皇上幾暇游藝及之會看老樹亦生花茅衡鎮日

然乎橋梓二木晚鴉

今高卑俯仰宛法倪王是一家

是圖兼雲林孟端兩家筆

知畫理古名家仰橋俯梓各菁華詩情繡出

以石或雜以竹死花臣愧衰齡無挽力欹斜

使雲林孟端未

御筆信紙直行截然榮今復拜

蘊於筆墨之先意訓孝言慈見道華橋似仙

收差可方物至

扁有仙人棗云是回道人呂如漆疎枝無葉千餘年來猶

生意盎
然也 梓如鍊樹欲開花閑來小立階除際一陣

輕風正起鴉

呼童特地爲煎茶讀書人來野老家要以民彝徵
物理豈惟筆墨洗鉛華什筐世世尊

鴻寶頽手朝朝汲井花遙想

圖成簾乍卷碧朶愚外有鳴鴉

附
汝誠恭和四首

三清幾暇試評茶

灑翰恩霑舊侍家先與蒼橋苻立幹更拈文梓勗

含華

天懷欲慰將衰志老眼應除宿眩花尤喜驪珠盈
幘首榮光煜煜燭金鴉

侍直曾分八餅茶養疴有

詔許停家衣裁宮錦雲機麗帖拜

瑤牋墨瀋華九載自

天流渥澤雙枝入手勝穠花小臣目極思親舍翹

首南雲送曙鴉

閑居劇筍更烘茶飽飫

神木卧穩家

臣父丁丑之春荷
恩許在家食俸戀

闕句成書筴尾賜羹節近貢京華畫圖先後聯瓊

壁父子便蕃寶墨花
急足擎歸陋室清朝仰
對到昏鴉

接跡叨陪學士茶
愧無文字可傳家
銅壺靜直移甄影
錦幘新分燦玉華

眷舊璇霄重戲墨承

恩林屋更生花
遙知鄉國庭前樹
吉語連朝噪喜鴉

家黃與偕其弟子
厚北上賦以誌別

二子吾宗秀相依
赴玉京風帆飛遠浦
霜雁落高城
織纈移家累琴尊
去國情紀謾徵辟
在珍重負

時名

歸愚尙書弟子某購小圃中有得硯齋三字
松雪華也後某步池上於草中得半硯異之
遂作圖以紀其事因題二絕句

得硯名齋亦可哈天然龔隗是良媒遂令佳士耽
幽癖手洗殘璋日幾回

逸少亭前堆瓦礫無爲池上已蓬蒿願將餘瀝瀟
吾首醉後狂呼笑伯高

家稼軒司空典試豫章請假省親道由吾郡
冬夜訪予一問近狀卽畱小飲席間次見投

原韻

節使紅燈上古墻屏除騶從入茆堂口邊脫去詩

無價

予散漫口甚每得句輒朗吟數回未存稿者遺忘強半

頭上盈來雪有

光擷秀愛看蘭芷遠思鄉但覺水雲長匡廬山色

桐君路可有新圖貯絳囊

稼軒善畫山水

挽張瓜田徵士

夜帳當年共短檠生身七十負時名貧寒一笑輕
羊左張范千秋屬弟兄彤管志林傳獨行蓆門藝
士哭先生僧廬道院文同墨題罷凝眸淚已橫

題安居王樓山中丞小像二絕句

秦駐山觀海圖

峩嵒江水皆歸海山下人爲海客譚

海客譚瀛洲太白句也

翻笑東坡老居士但看江水到江南

登黃鶴樓圖

子晉已隨黃鶴去

中丞沒後二十年始題此圖

當年此地立斯

須閑題宦跡畱鴻爪還證江舩夢會圖

雍正己酉二月子夢

與樓山同舟汎晴川江道舊言懷頗慰積忱醒而
知爲夢也時樓山參楚藩適遣人至京師遺予尺
素裁答之述及夢中事閱兩月復致札云如爾或
香樹出使來過黃鶴樓也是年秋子奉
楚南試事竣歸途經黃鶴樓則樓山已解組寓武
昌逆旅筭與訪之樓山邀予同坐舟中渡江而北
笑謂予曰是非晴川江耶作
江樓證會圖畱予篋中

題覺上人小像

時上人重建鎮海塔垂成事載予所撰碑記中

光明圓滿不言功前有琦公後覺公欲識婆心著何處一輪明月海當中

題吳子曉門爲瓢顛居士所作安處圖

處士澹安貧世味無所慕閉門白日長自得靜中趣敞簾驅牕蠅藝芸辟書蠹壁間太古琴戶外幽人屨我心儀其人往往隔雲樹一展安處圖悠然與之遇

題秋夜讀書圖

鴨爐香散拂桃笙只爲長檠親短檠夜靜露寒山

月上秋聲遠送讀書聲

秋士秋風正下帷
要於折節想襟期
箇中滋味閑中得
一室無人獨坐時

題馬上尋詩圖

欵段行春春自隨
帽簷偶一傍花枝
無心得句非形似
欲下鞭絲未下時

罷讀閑遊郊外來
花明柳暗亦佳哉
學書早擅元和腳
還養華林侍獵才

獨坐自題

花裏林間懶去尋
偶憑蛩語動清吟
少無飽食溫

衣志老澹求田問舍心故舊夢中勞把臂文章

天上感知音

每經進詩筆輒蒙

聖主激賞賜和

許身稷契當年

事病臥蹉跎直至今

香樹齋集 卷三

三

香樹齋詩續集卷十四

嘉興錢陳羣集齋

皇上五十萬壽詩

有序

乾隆二十五年秋八月恭遇

皇上五十萬壽普天率土莫不稽首面闕敬效嵩

呼

臣受

恩至渥思欲趨奉

天顏一展犬馬依戀然後隨諸王大臣後忭舞階

墀行有日矣適頒

諭旨念

臣

衰老不令遠涉

臣

恭繹之下感悚倍至

沐浴齋戒精思澄慮敬製長律十二章以
獻維是古者以詩詞進於尊者類有引以當乘
韋義也臣伏思經籍所載臣庶贊美祝嘏
自三多而後書曰欲至于萬年又曰萬壽
無疆其他鋪陳功德羅列祥瑞者卷帙繁
衍未可悉數我

皇上天質純備學與性成集福凝休纘承大統德
被生民威服遐邇日月所照雨露所濡罔
有內外其惟

帝臣際茲

大慶之期在廷儒臣在野憲老蘸筆綴詞分門牋

記以鳴其盛雅頌風謠各不相襲

臣

讀周

易繫辭八章曰大衍之數五十又曰乾之策二百一十有六坤之策百四十有四凡三百有六十當期之日二篇之策萬有一千五百二十當萬物之數也王弼曰演天地之數者所賴者五十也用之以通數以之成正義以三百六十推之爲萬有一千五百二十皆由五十大衍得之易又曰天數二十有五地統乎天者也我

皇上乘乾出震法天行健天之事也乾之象也

臣

又以

皇上誕膺寶籙之年按之恰二十有五龍之潛也

今年

萬壽又恰二十有五飛龍在天位天德也合之與
大衍之數恰符言天地之數者諸儒家自
爲說斷以王弼爲正弼又云凡萬有一千
五百二十必以五十演之方爲自然所謂
演天地之數所賴者五十也觀此則今日
之

大慶其與易之大衍自然契合君子言理而不言
數惟數卽寓於理之中周子曰君子脩之
吉我

皇上至仁至孝以惇大爲體以明作爲用淵泉時
出綿景運而享遐齡錫福臣民正未有艾
如原泉之出山流行滂沛襟巖趨谷四注
而不可涯涘潤千里滋萬卉濟舟楫通沼
沚其發見處淵乎若渟靜而有本大衍之
數於易爲朔亦如是矣臣舊史官也祈
君永命職耳敬以理數之自有者陳於

黼座爲左券云臣陳羣誠懼誠忤稽首頓首謹

上

苞符應瑞世如春華渚光中誕

聖人

上帝篤生原獨厚

仁皇睿鑒賞尤真

上生有聖德
聖祖於諸孫中恩意尤重

山川

雲物占時雨

祖德

宗功毓大椿赤雀啣書秋序正一輪皓月色逾新

日必三朝問

寢餐師資舊學有甘盤十行一目行行下五字長

城字字安

冲齡時

上姿稟聰

斂一目十行久而不遺
憲皇帝每命賦詩輒稱

旨

南苑時臨講武地東齋勤上勸經壇 龍姿

日角同

天表早識

重華宇量寬

由庚萬彙仰昭蘇 潛邸承

恩預

廟謨漠北銷兵安反側苗疆善後感歡呼

雍正十三年

憲皇帝鑒

上英睿持重西師乘勝罷兵

苗疆善後事宜召

上與密議凡

上發議

大臣無不驚服
性天直契三乘妙名理全融
憲皇帝嘉許特深

至道腴

神器萬年深付託誕膺多福裕璇圖

雨施及物物含滋重譯梯航任彼爲履盛尙憂長
治日思艱益勵守文時求衣猶見寒星在進食曾
當夏昃移諸福沓來山阜積

一人乾惕自孳孳

日之升與月之恒
大孝惟知

色笑承天下奉

親尊至養

聖人歸善上

徽稱九重冬夏猶溫清萬國傳聞比閔曾孺慕行
將開六十鈞鈐應德自長徵

祀事脩明亦孔虔豈惟博碩備牲牷敬

天尊

祖精誠格重道崇師禮數全三輔

松楸

君子履

上每間歲恭謁

景陵泰陵

慕尤薦

橋山肸鬯

孝孫蠲

兩謁

上卽位後曾

三陵陪京朝會同豐鎬再集

鵷行又六年

虞典時巡首二東

乾隆八年秋三陵回鑾駐盛京

上恭謁十三年春

東巡至於岱宗

嵩呼祝嘏幸天中

十五年秋恭奉皇太后幸豫祝釐華蓋

峯恰值四十大慶

上騎臨巨浸資長策舟過平江為採風

十六年二十二年兩舉南巡之典上親閱河工指示河臣方略

清問豈惟詳吏治

霽顏直欲勸農功方行會上清涼界登陟出來

祖武同

凡

翠華所指皆聖祖巡幸地

勤民懷保切林林廣被如膏渥澤深萬姓已躋仁

壽域

九重未釋厯憂心曾於渴雨

躬湯禱每拂薰風

手舜琴感格

蒼穹惟默契乾乾猶自凜難諶

亶厥聰明運萬方
照臨共仰日重光
人從一見多能識
事到曾經總不怠
行健法天原有象
能容應地自無疆
麟遊獸舞昇平世
擊壤

堯衢樂未央

簞蒲朱草拱

宸居瑩英賓連慶
有餘鍊勒叩籠來
拜舞重洋絕域奉
車書華封野老申
三祝天保詩人頌
九如玉

甕天漿甘露渥不知身已入華胥

訓練羣才有貶褒文脩武備選人豪詩篇富與春秋富勲業高於嵩岱高絕藝重圓多貫札馳情八法擅揮毫從臣一字邀

清賞忤蹈榮逾得繡袍

搏桑新沐漾晴暉紫閣朝來護翠微仙樂空中音嫋嫋天香雲外屑霏霏叙倫誼篤維祈耇眷舊恩深有賜緋千億萬人齊上

壽

至尊先自覲

慈闈

題紅白芙蓉

拒霜紅不定臨水澹還空對此思賢者因之感化
工當秋勞採折望遠有無中芳意誰當繼籬邊菊
一叢

東石丈

我懷萬石君交建還揖奮少無干祿心而寡適俗
韻撫琴感子春煨芋諧懶瓚至樂在天倫往往接
幃幔豪邁情自任蕭閑真所蘊我從乞身歸十載
違問訊頗聞杖履間談笑遣清燕植德本殊邈要

香樹齋集 卷四
與浮薄遠題詩托高雲冷然會餘善

秋雨欲生魚

易生惟水族濕化亦隨宜雨氣細縕候魚苗動盪
時細微添性命節序此潛移柳汧來漁戶蓴鄉問
釣師浮沉聊策策游戲見絲絲冷露荷根隱輕風
蘋葉吹豈真論破浪或亦偶通池觀理者誰子問
魚那得知

舍弟界生前多惠政所至之地部民多有祀
其威儀者曾署蒲圻未一歲蒲人德之爲立
祠以祀從孫編脩載使粵西經蒲圻宿於祠

中題詩四首寄予予和二首

清祠秋草外下馬薦椒馨公道惟畱此官程亦偶
經人間廉吏跡天上使人星緩步題詩處終穹戶
不扁

院竹琅玕碎階泉琴筑清瞻儀猶涕泗感德頌神
明燈暗鼃鼃影月高鴻鴈聲何須悲楚些有弟已
長生

附原詩

從孫載

城壕山束勢學舍木生馨司馬先賢祀皇華小
子經秋堦落暴漲虛牖照明星步遶摳衣後祠

屏且莫扃

夜起褰帷肅堂開薦茗清寧知暫離別竟作永
神明燭短將昏影蚤踈欲斷聲不須通罄欬聊
一補平生

九日永觀察招集離使行廨登觀稼樓得香
字

使君帆下樂豐鄉尺素波中莢海王簾外黃雲千
里接席間玉糝一匙香故人情重勞尊酒佳節遊
深尙夕陽我已小冠呼子夏風迴落帽不須防

劉延清相公奉

命來吳中會尹望山宮保陳榕門中丞勾當公事

時兒子汝誠蒙

恩典江南試事給假省親旬日還朝余買舟送

至金閶門遂集榕門官舍喜而紀之兼柬歸

愚尙書

片帆吹我泊長洲舊雨連翩接上游別後心情論

萬里予自壬申秋與相公分手後相公遠使絕域未獲接言通情者八年於茲矣重逢

節旆又三秋兩家兒輩持衡鑒劉公子壩時視學兩江吾子汝誠典

兩江試事五緯星芒聚斗牛用荀陳事榕門時爲東道主人我分扶藜

踏吳市沈錢作伴避清騶

望山宮保邀同歸愚尙書芝庭少司馬梅澗
吉士集滄浪亭行廨宮保有詩見遺次荅一

首

多情邀我集芳洲老輩門生約共遊

芝庭歸愚梅澗皆望山所

得士也積愫細論同旨酒新詩高唱入清秋公真致

主尊扶鳳我已成翁學課牛計日雙旌還白下六

朝山色遲

去聲傳騶

望山有送予還橋李詩又荅一首

一棹言歸長水洲何時繼此復來游偶添詩句多

愁別難老花枝卻耐秋音徹九霄聞和鶴

公子官農部

望穿銀漢笑牽牛

宮保德配張夫人畱京未歸因以調之

便蕃雨露

天家澤中使傳宣導八騶

附

吳門喜晤香樹前輩卽和見贈原韻

尹繼善

居傍鴛湖勝十洲停橈昔日記曾游遙山雲樹

頻牽夢白露兼葭幾度秋見面定驚頭似雪裁

詩真覺目無牛漫因兒女添離緒好看雙旌引

去騶

時送東麓少司寇還京

楊帆暫出白蘋洲楓落吳江任泳游愛我多情

吟暮雨思公有句寄殘秋

有懷香樹詩九月望寄去

林深每

羨幽棲鶴力倦空慚負重牛
纔喜相逢還悵別
西風前路促行騶

東麓少司寇還京河干送別仍用原韻

共看仙客返瀛洲
回首應還憶舊游
契好論交經兩世
離情轉眼似三秋
江天處處畱桃李
麥隴時時見犢牛
話別河干勞遠望
驪歌唱罷送鳴騶

滄浪亭小集後香樹前輩欲歸長水老年握別情不能已又用前韻以送行舟

老來猶憶鳳麟洲
小集亭邊話舊游
笑口難逢

開半日交情誰似足千秋懷人好藉傳書鴈念

子同憐舐犢牛

兩家兒子俱官京師

自是歸心畱不住可

因詩債一停騶

附奉使典江南試事喜於公晏得晤望山宮

保父執嗣宮保會理公事駐旆吳門榜發後

汝誠

得假省視取道姑胥以子舍在邇未及

停舟奉訪悵焉於懷假滿復經始得趨謁歡

言竟日解維挂帆舟行甚駛承惠示送行詩

卽用家嚴原韻使者匹騎追至雲陽及焉舟

中蘸墨奉和三首錄請教定詞鄙而意真古

人所謂代書之體如是云爾 錢汝誠

採芳空自到蘭洲杖履欣陪愜勝遊幕府高雲

聯雅會滄浪孤嶼隔清秋

先生行館在滄浪亭

又吟想見

先探額剖斷驚傳善解牛

時所會理案牘頗繁先生以數日剖決無

遺

悵望吳江楓乍落每懷子舍未停騶

含情渺渺憶滄洲返棹仍爲吳會遊舊雨心期

清似雪小春天氣勝於秋惠周澤國無鳴鴈

今歲

下河被水以撫賑及時災民賴以全活

及感被淳風有買牛經術談

諧資後進爲公一日駐行騶

香水朝移杜若洲龍山到眼豁清遊樓頭煙雨

人回夢江上芙蓉士怨秋喜報詩筒看走馬恰
傳官驛過奔牛離情更約南齋話珍重春明迓

絳騶

先生明年當入覲

葉南陔世講過訪辭歸復來荒齋論文話舊

賦二絕句以贈

江國爭傳黃絹碑寶山空入笑家兒

今秋被放適見子汝誠典

江南試事昨得汝誠塗中和望山宮保詩有江上芙蓉士怨秋句其致歎于賢才之不能盡取深矣

情知倚馬凌雲客不賦哀蟬感遇詩

襤被重攜二尺書紙窻笛簟恰平鋪回思五十年

前事筍里笙歌好在無

附
和作

葉抱崧

吏部文章秘監碑

唐蘇源明作小洞庭詩立碑山下

鳳池聲價

有麟兒自憐螻蛄評事博得昌黎束笋詩

數椽茅屋守遺書明月軒墀碧蘚鋪多恐到門

題鳳字析薪猶得荷薪無

南陔茂才所得南邨草堂集古硯譜計圖四

十自漢至今篆刻略備寒窻展玩不能釋手

因題六絕二首

靜對端人四十閑檢華年二千紙上猶存真面空

中定護寒煙

技癢中山萬選消磨張遇半丸執象旁求天下傳
神終在雲端

代柬寄葉恒齋舍人

早歲抽身賦遂初年來走也亦懸車偶成白社新
詩本卻寄紅梨舊校書佇望高雲憐獨鳥閑憑春
水報雙魚何時同赴看梅約尊酒論文或起予

附
和詩

葉鳳毛

正集頒來剗剗初續編重示指南車風華直壓
楊劉體光歆新開顏柳書月出山中聽唳鶴花
飛水面撲潛魚言詩謬許隨商賜只恐難雕似

宰予

題查生桃源圖

身世漁樵約桑麻物力供仙家多歲月吾輩有遭
逢行到溪邊盡笑看塵外蹤展圖思驀入回首白
雲封

馮氏妹臥疾買舟往看用石湖畱別女弟韻
爲汝來停三日船殘冬驟暖作寒天不堪盡訴皆
愁境未忍相離况暮年喜見阿兄如木餌病依同
氣比賓連重逢倘得邀神貺陌上繁花未放前

春帖子詞

紫閣香煙裊

璇宮瑞靄新椒花纔獻頌早報

萬年春

嘉平二十九日立春

聖節行看六十開陽都熙皞樂春臺奉珪進璧陳

王會天馬新從萬里來

古詩元日朝天子百官執珪璋

蠶收稻熟徵祥日海晏河清獻瑞時南國家家齊

望

幸青旛隊裏祝

純禧

歲暮舟經武原舊居慨鄉里習尚不敦古處

感而有作用謝靈運登池上樓韻兼效其體
朔風振逸響倦羽遺孤音雲煙相蔽遮水天互浮
沉喧散貿初退農安力旣任遠帘招隔岸近帆失
前林卽景一領略觀理默鑒臨俗薄積傾軋我靜
忘巖嶽晏歲嬰衆感寒霄結會陰巨川接密罟野
田來飢禽客懷悲故土衰緒餘微吟自憐遂初服
終歎憂同心執德亮猶昔委情匪自今

雲間沈上舍學子過訪出篋中所攜王樓山

中丞小像索題

不見王君二十年看花鬪酒夢中緣誰知月落懷

人夜圖畫重逢白樂天

何曾樊口畱居士未許杭州作寓公猶有詩人李
昭玘圖成笠屐錦囊中

春夜集存養齋與歌者一絕

新樣春衫綴五銖繡成絃索壓花奴憑他千囀鶯
聲巧爭似歌喉一串珠

聽事東西偏屋諸子及孫輩各肄業處也春
夜秉燭小步得一絕句

稀微巷析正三更今夜春星分外明秉燭扶藜閑
步處讀書聲和讀書聲

小除日得尹望山宮保塗次寄懷仍用原韻
復答一首時宮保以公事至豫章

高館寒煙鎖晚洲每於獨坐憶清遊多情笑我添

華髮爽約看山負好秋

宮保屢邀予遊栖霞未遂

夢去驛亭隨

浦鴈書來度閣伴春牛

是日立春

九重念切求民莫述職寧遲北指騶

附寄詩

尹繼善

屈指應還杜若洲夢來難忘舊交游纔嗟只尺
成千里已覺睽違似九秋短札遙飛過倚馬枯
腸屢索愧吞牛文壇倘再逢旗鼓願作衙官退

避騶

辛巳正月廿日爲溧陽師相八十生日寄小
詩奉祝恭和庚辰夏

特賜

御製詩用彰人瑞元韻

梅花應候領羣芳嶽降辰當義與黃寶帶自

天三壽錫霓裳近席百絲張重登綸閣尊前輩再
見瓊林拜耳行夷使杳來多卻立欣瞻元老佐時
康

盧雅雨都轉寄平山堂觀梅詩注云以踈影

橫斜水清淺暗香浮動月黃昏等字分韻得
暗字蓋是日賓主共十四人也雅雨屬和予
未與斯會得韻爲難逋翁是聯爲梅花寫照
千年來遂爲絕唱因製成十四字轉韻以答
逋翁有知應亦許我也

一病遺簪笏年年守敝廬梅花如故人別來踪跡
踈西溪鄧尉負宿諾篋中塵掩山僧書蜀岡千株
萬株粧束靚遊人杳杳晝夜併一從何遜官閣冷
水邊月下自畱影春來風物誰管領曾記當年扈
從下江城迴轡倚礪何縱橫忍寒不落花光明

十六

年上初舉南巡典禮陳羣扈從二月望間駐高
旻寺行宮梅花盛開若候萬乘觀賞者然

天顏一笑畱霽色千花萬花多向榮重巡江國

訪梅花臣亦迎鑾綴屬車承恩來到玉皇家

廉纖春雨花枝斜少紆

天步雨中賞奉

勅賡和畱塗鴉

二十二年上再幸江南陳羣

迎鑾後卽隨豹尾渡黃河御製有雨中遊平山堂詩命從臣恭和陳羣與焉

南人望

幸拜

明旨愷澤長流似江水聞說平山山下花早淨鉛

華媚

天子花解語怡

皇情春草冉冉春風清名勝要白呈本色調脂傳
粉非真精待明年又巡典誰所司盧都轉玉川詩
報花盛開老夫於此興不淺閑將書卷供點勘春
雲欲雨窻紙暗讀君新詩當眺覽花神有知或亦
許我意恬憺恬憺中有得鼻觀梅花香假寐卽到
通守堂須臾生兩翼度額登羅浮放眼視下界羣
鳥音啾啾翩然來仙子導我汎濛濛贈我一株梅
我心爲之動洪崖拍肩雙成擁自稱臣是舊供奉
回頭還踏平山月梅花萬樹多於髮玉川子攜客
看花未歸去撚斷吟髭弄不律吾遊汗漫神相羊

梅花旣落梅子黃覺來氣味微溫磨日色將暮猶未昏平生俛首林和靖還上孤山酹一尊

花朝畱研雲五叔飯遂同至官梅閣再酌夜深醉歸作

無多看核酒重巡情話清宵要率真雨洗衆星光更潔雲迴好月色逾新杯中乍可十分滿天上還畱一半春醉倒花前扶未起二疏而後兩閑人

海棠花下小飲用昌黎芍藥歌韻

一從庭中種此花閉門坐覺春繁華不須露奏通明殿薄陰自與東皇家連日爲花多早起贈花苦

無新句子品題只有劍南癡直教奴僕看桃李如
羞似嗔非本性爲暈紅潮來比並試看一笑一嬌
然儼濯晨粧對明鏡街頭杏粥甜如飴此花未許
兒童知主人無酒賞者誰今朝爲爾一中之

去冬誠兒得

旨省覲後卽還

朝今春端孫挈婦歸京師詩以示之兼寄誠兒共

勉焉

十年纔一見告别又春深家室累方始關河閱
今欲寬千里念要惜一分陰迴憶兒年景高曾共

此心

寒風吹驛騎春雨易朝昏拜別還朝子辭歸繞

膝孫重逢知有約

時奉
今秋入

恩旨

覲臨去更無言覲縷

家庭事難酬是國恩

恭和

御製大宛馬歌元韻

由來名馬數大宛求之不應

平聲

漢代傳我

皇懷遠九夷服權奇倣儻歸

天閑掣電容與龍爲友牝牡自合尖與圓

用伯樂事崑

崙東循迤萬里獻費納欵將寅虔九良八駿大一

况布魯哈薩朝可汗決勝如神如指掌一聲短簫
丹水還九方承 詔辨色物沃若恰在

御墀前負絕風姿生顧盼驤裊屹立逸且閒威不
能致德可致吁嗟名馬殆其然賡歌一曲殿樂府
珥華略記平西年不須遠訪銅鼓鑄更立馬式於

班門

用馬
援事

王者尙德不尙馬德產之致非可捐德

產之致非可捐試看羣蹄送喜隨堅昆

送喜驄堅
昆鵬八駿

中二
馬名

恭和

御製蕃劍行元韻

酋孥歛塞馳邊塘橐中三尺寒星亾云昔敦多
佩此拔劍一指震殊方魑魅潛形避鋒鏑虎豹
地呈肝腸匹夫惟知夜郎大異類敢肆饕餮強
迫鄰近同與佃憑凌姻媾連輩行獨流之泉陰
山玉疾視咤叱烏敢當英雄銷歇後不振防身
一罨守不常窮嫠請命急赴愬典屬轉奏詞何
詳宣聖嘗言擇仁處劍本靈物計久長吾

皇柔遠繩

祖武不虐無告不侮亾土爲金母土入版金精
先兆歸天間宵小縱復逞伎倆我師所向無遁
藏

我師所向無遁藏名駒寶玉玃未央

恭和

御製玉盤謠元韻

玉四十斤者徑尺茲盤中量六尺益以黍受之盈

可石非白非烏色近碧

西極河中有白綠烏三色玉

縝密以栗

潤且澤玉人何氏之手跡昔聞開寶通昆侖塊二

百鑑願來賓遲

去聲

之不至畱玉津

宋開寶元年于闐遣使來言本

國有玉一塊凡二百四十斤仍候來取後竟未得

從來嚴器數敦罇勒銘

厚藏乃僅存連城有價今否完徒資博古稽歲年

是盤壽世良亦偶豪可據之不可守

準鳴爾諸酋巧可

竊之禍自取

阿睦爾撒納

可憐若輩力相醜盤乎不脛

而善走堯時玉甕

聖人有湯盤今復陳

黼右吾

皇比德德務滋被於華戎蒼赤衣殊勲超邁亘古
奇止戈萬里旋王師八垓擊缶歌熙熙盤乎盤
乎盛酒饗士一用之葡萄酒可斟牛可椎

恭和

御製龍泉盤子元韻

五百年前物得歸默所司洪鈞方萬里寒玉出荒

陂撫此龍泉器猶深國士思

元韻有李陵儼人也相較不如伊句

聖心愛才其致惜於國士者深矣凱旋歌舞處小擊和涼伊

兒子汝誠扈從

聖駕奉

皇太后延釐臺麓塗中恭錄前兩次西巡詩進呈

蒙

恩口號調之卽

御書條幅以賜汝誠既恭和陳謝家信內稟知亦

恭和二首

時巡民隱務局知紀事攄情筆與詩

行幄披章春漏永

宵衣猶問夜何其

吾

皇孝治萬方知擊壤康衢盡入詩臺麓堯民呼

萬歲

珮輿扶侍仰

溫其

附汝誠

恭和

天上鈞韶近侍知
省耕餘課及吟詩日新

聖藻由來富蠡管私窺

帝鑒其

贈繆方彥進士

殷撰彤之孫洗馬曰藻之次子成進士後以親老不就選

人精於醫予遊金閭抱疾延視數日疾已爲贈此詩洗馬與予交垂五十年方彥昆弟就外傳時洗馬見其二子問曰何如予據所見言之後輒應姑布術蓋自嘲也

韓符頭角夙相於門限踉蹌憶卅餘就傅曾窺姑
布術成名便著養生書不隨吏局邀升斗爲戀高
堂候起居我學維摩聊示疾刀圭乞得寄雙魚

贈金山人農

禪智山光領略真梅花弄筆見精神此生合在楊
州老墓下應題隱舍人

用張祜詩意

毛嘯夫部曹招同嵇黼庭宗伯泊同學諸子
汎舟支硎寒山薄暮始歸作詩以紀此遊

好客喜逢毛直指殷勤扶上木蘭舟偶然對奕終
成會隨意看山也當遊野服似僧從散誕春雲笑
我共浮休輕寒閣雨歸來晚特爲吾曹半日畱
紫光閣落成錫晏聯句恭讚

大清受

命代有忠良乘時翊戴用固金湯酬勲有典我

祖我

宗

祖光切叶

國史所載謨烈永光懿惟我

主則篤其慶知勇天亶綏靖萬邦粵稽古昔籌西

者詳

詩薄伐獫狁而後綱目通鑑諸史凡書出師於西北者尤詳

昆侖萬里戎

索芒芒蠢爾準夷恃險而強其面則革其心則狠
頤使回部資其糗糧匪惟資之實又障之俾弗通
道抱遺已傷

天乃厭之我武斯張戡亂攻昧是撻是攘殲此偕
德震彼遐方武成既告殊典用彰

帝曰疇咨有勞必償仿雲臺事俾形成象

徐羊相切叶相

惟一心鄴侯首行或武而毅或勇而驤或超而銳
或謀而臧新歸効順擒賊探囊或計以誘或伏而

藏或折其犄或降其隍亦有倉卒萬有一創勤事
授命大節流芳我儀圖之矯矯洸洸存者不朽沒

者如生

師莊切

我朝

冢法邁漢軼唐培養國器佑畀我

皇賢賢將將躋躋躋躋內旣寧矣外被八荒

紫光傑閣選武之塲

廷試武進士每幸之以第技勇

上十洲蓬島

貝闕龍堂雲牖軒敞燦然兩廂鄂褒毛髮日星

天章

天章纍紙午夜所營

千方切

睿謨密訂絕徼廓清

千羊切

馳驟風雨明精空洞

徒黃

叶切

九重渙汗萬里不爽

師莊切

貞珉旣勒璀璨琳瑯誨

吉落之琯應初陽嘉會合禮食舉行觴文臣華國

武臣鷹揚蓼蕭湛露泥泥瀼瀼孔燕樂愷猷舞儀

翔賓旣醉止譽處益莊

帝庸作歌臯拜夔颺荷

天之寵申命遐昌

哭虞山相公

憶君角初惣見者稱璵璠先公叅政日英雋多在
門羣於疇輩中禮數優且敦君方就外傳屬羣爲

君賓

恒軒就外傳時先相國爲閣學隨趙北口水圍屬陳羣於是日導之入學堂

聖祖派

江左

大族子弟初從師讀書於戚友中延一人引之時陳羣初舉京兆

往往住廳食

經義相討論

用退之贈張文昌詩意

忠宣醇儒質氣誼凌曾

雲門才有嘉蔭魚雅充國賓君年將弱冠先公贊

衡鈞庶務關國是衆議持數端歸來召君語時一

試之難君必從容對間採以敷陳心器夷簡識早

卜光吾宗

叶

泊乎入禁籞溫溫著慎勤羣也忝同

直頗薦下問殷

今皇初御極柄用多舊臣鑒君種世德毘倚邁等

倫偶出秉旌鉞仍歸侍

楓宸度支計羸絀枚卜掌絲綸金華造膝對武帳
霽色詢望隆心益下職密心益專忠孝家所詒任
卹性所存祿奉之所入施惠周單寒處士火待舉
主人家故貧羣昔邁沈疴假歸臥海濱

天子再南幸君領扈從班相見不能舍情話如弟
舅

行宮開湖上行館周環環稔予寓先祠

宋建表忠觀先武肅

祠堂也在明聖湖東南予寓祠中恒軒

辭有司所治行館攜家人與予同寓相依一盤

桓晨同拜 尙食夕共傾青尊何期春山外一叙

平生歡別來五閱歲存問誼不愆君珍庾翼啟我

愛任昉賤昨秋吾子歸

去年九月兒子汝誠奉差

里省視爲予言近來心事最牽挂者

虞山師病狀未少差予聞之愕然言師體氣孱

汝誠爲相謂是偶然耳抑又何足患誰知二豎力

公所得士

經歲纏其身

聖主惻然念藥物頒旣頻 慰諭亦備至肺腑骨

月恩

親視一而再感激同朝紳屬纊 賜秘器

躬奠發長嘆哀榮絕百僚下逮其子孫 盛世飭

終典史冊所未聞嗟予桑榆景老淚灑朝昏尙書

墓草宿

三載前作詩哭汪松泉太師并銘其墓

賢相復招魂俯仰將

四紀日月一轉丸如何久不死而獨居且觀

湖州太守李君詩思宦情均有仙意因其字
也升易升爲仙字曰也仙并系以讚

黃樓玉笛唐室青蓮宰官身現拯世心專詩歌穆
如鬚鬢飄然吾儀圖之是曰也仙

再用前韻寄尹望山宮保

韓范憂民病常懷醫國方偶然呈華札非敢露文
章詩好如雲靄交深比露瀼平生論得意言象自
能忘

有心觀物化不是學莊周懷抱存真宰頭銜署素

侯多君情悱惻使我一夷猶同作昇平老忙閑迥
不侔

恭和

御製索觀錢陳羣香樹集有題其母夜紡授經圖
慈孝之意惻然動人且以見陳羣問學所自來
也輒成二絕句題之元韻

祖澤風微家故貧負薪中落極悲辛若非主績垂
明訓那有承前啟後人

陶侃房喬本食貧組紉截髮不辭辛敬瞻

天藻來朝貴要識賢明傳裏人

陳羣刊香樹齋集
初成一日名見

上索觀焉次日敬呈
睿覽至臣敬題臣母夜紡
授經圖特賜二絕題之
即命臣奉圖呈進上
御書於圖首中使捧出
臣陳羣九叩祇領一時
公卿莫不歎羨以爲亘
古稀有願獲瞻圖者數
日迺得什襲云

寒燈斷杼自甘貧六十年來慰苦辛
如此勤勞如此報真堪感動路傍人

生逢有道豈長貧只爲攀梯願受辛
臣職未完慈未報自慚不可以爲人

丹青賣去可醫貧
臣母善繪事山水人物花卉翎毛俱臻神妙訓羣兄弟讀書夜

則紡績晝則隨意作書曾有句云賣幅青山潑墨

佐讀書每有經進輒蒙天筆題識
當年亦苦辛餘事曾邀

天華賞直追衛管兩夫人

附臣子汝誠恭和四絕句

經義菑畲未是貧敢拋墻腳短檠辛南樓一畝
宮還在天意何曾肯負人

由來憂道豈憂貧

鳳藻榮傳五夜辛愧列桐枝叨世澤清芬惟是誦
先人

得假寧親白樂貧畫圖重展憶前辛

時汝誠校士江南試

竣歸里門省視父母復盥手敬
展圖卷如見篝燈夜課情景也自從

天華旌慈孝兩字傳家敬後人

不信黃金可療貧
含飴聽聽說劬辛
一經今日猶遺教
願世無忘訓績人

香樹齋詩續集卷十五

嘉興錢陳羣集齋

聞望山宮保自京師還制府任代柬一首

時予

將北

近喜公歸使節遄禮成夙駕稅桑田

時皇八子婚禮既成

仙家酒醴寰中慶

天上賡歌海內傳

每閱邸抄見宮保奉勅恭和諸詩

萬里提封勞

指顧九流人物待陶甄老夫計日還

朝去好借輕風送北船

題孫忠烈公遺像

名燧明正德間官江西巡撫死宸濠之難

名松齋集 卷十三
中丞古遺直往事一欷歔大桁無還馬平原有報
書丹心留日月烈氣想簪裾弈世威儀在春盤薦
澤蒞

華封三祝圖讚

唐張南本畫乾隆二十六年十一月恭呈

御覽蒙

賜御題

伊耆馭寓德感太和越裳供職冀莢神禾麟遊於
郊鳳集於阿景星甘露瑞應孔多不敢康居巡行
方嶽言觀於華乃乘黃屋攬勝亨衢紆步舉玉岳

牧賓從蹕蹕穆穆唐風古懿質矣堯民三多獻祝
詞婉以淳山容藹藹百卉芸芸歌傳擊壤與物皆
春我

皇法天首隆孝治協於放勲四表光被率土歸仁
五福咸備福旣備矣昌而熾矣

奉

恩命入九老會恭紀

侍從當年隊褚虞重來釦砌效鳬趨欣逢

慈福臻仁壽况拜

恩光入畫圖九老班聯仙會好三台履接

寵綸殊

是日荷恩命特進尚書

分明身到華胥宇鶴髮鳩節

健不扶

奉

勅恭和

御製賜九老遊香山元韻

欣逢應

瑞稱難老豈肯隨時學染鬚

詔許松喬尋舊侶情諧佺羨得嘉娛泉烹玉乳人

多壽詩和

天章氣覺麤坐久香岩看鹿過步迴曲磴藉兒扶

時臣子侍郎臣汝誠隨侍扶掖不因出處殊心跡自有煙霞伴畫

圖如此昇平如此遇會昌諸老得知無

題程雙橋大京兆南陔松菊圖

養志辭金闕屬余示疾時來陪諸老輩同上

萬年詞

時在籍諸老以
祝釐來京

北闕承

恩賚南陔集福禔寄言與松菊長得遂臣私

恭和

御製玉盤誰疊舊作韻

得寸無心規得尺得隴豈意以蜀益試看良玉韞
於石特達自異靜含碧厥光如珠映川澤製爲盤

子各呈跡雙盤先後來崑崙其一早狉

天家賓豈同劍躍延平津羅列秘殿侔卣罇昔在
絕徼戎馬存馱裝驛致好且完

御題鐫記平西年物之奇者或有耦其一入土鬼
神守梟夷眈目不敢取

天戈拉朽平小醜爵旣歸叢鸛亦走地不愛寶爲
我有以茲方彼孰左右

皇受

申命庥正滋惠周異域食與衣獻琛呈瑞事非奇

日新

聖德嘉師師萬方擊壤歌雍熙

湯銘一再皆書之有響斯應同犀椎

恭和

御製大學士劉統勲協辦大學士兆惠等奏報楊
橋決口合龍詩以誌慰元韻

黃流帶雨湯西侵賈魯河邊秋正深

聖主勤民籌更急重臣防水度還斟負薪發卒人

齊力捷竹成工

天可謐號令朝傳霜凜凜

相臣劉統勲兆惠奉
旨督禦威信咸布鉅功

應期告竣魚龍夜徙月沈沈昔傳漢武親臨視今見吾

皇道默欽一自靈宮昭祀典神哉河伯永居歆

恭和

御製詠木桃詩元韻

樂按

瑤階奏大卷貢來琪樹儼逢仙松能化石姿顏足
木可成桃色澤鮮覓種定從寒玉嶺賦形須問幾
千年今邀

睿藻題名後列國風人讓

帝篇

題秦樹峯大司寇寓園消夏圖

公家家園錫山麓百年樹木陰扶踈窮經折節有
同術飽噉六籍皆經厨風雲自古有際會肯棄短
檠墻東隅憶昔同直趨

禁籞退食邸寓如山居翠微深處起亭館小樓花
木交文疏釣魚深柳人不到眠琴綠陰童可呼松
籟偶挾茶聲去荷香自與清風俱同官羣公數來
往就中最數稽錢如

錫山稽宗伯與予及先生對字無間晨夕

一從乞

假歸長水故人時惠雲間書祝
釐重來謁

明主朝罷便約移清酤出圖索題意諄懇棖觸往

事爲歛歛銅街衚衕居隣並寒夜話舊致不孤我
髮種種我齒豁歸携

賜杖行相扶公鬚未白神色腴今所施設昔蘊儲
贊襄

聖治有公等我老其願少須臾十年

命入九老會

羣面奉聖母

八十大慶當再舉

九老會時樹

峯正七十

公年最少同兼暮

將歸長水

大兒汝誠

邀同族戚置酒話別口

號一首

依依終欲別惻惻且言旋燭短當歌夜雲低欲雪

天會因垂老重感爲受

恩偏此際吾能達無端一泣然

果親王見貽二律奉和原韻

新詩脫口振唐音惠示連篇深復深循理動遵

明主訓攤書便得古人心麝煤香發朝臨帖鳥篆
風微夜撫琴天上宗英盤石上人間凡響那能侵
購經常遣十人扛六籍圍身道力降入畫自慚白
太傅耽吟真邁李才江鵲鴿生近長春樹花萼開
連碧瑣窓却幸衰翁歌旣醉更携珠玉入歸轡

履親王愛讀羣詩謂曰昔年共事容臺尋又

同勘會典忽忽十餘年矣今復相見不可無
詩紀之因呈一律

天人眉宇仰宗支謹潔忠勤獨凜持樂善曾稱孀

母疏

王見予條陳旌表節婦一疏歎曰相沿久矣今日始見公道

愛才每誦鄙

人詩

定太妃九十壽奉詩製圍屏恭祝羣所作詩

王稱許不已

扶

鳩老作仙翁長握槩親陪玉局師

王為會典館總裁時陳羣追隨

共事竊附丹青駐顏色鶴神松骨願同之

題秦鑑泉學士瑞芝圖

好事多將付畫師童童現出夜光芝須知積善窮
經日卽是生祥下瑞時

彭家階砌秦家樹四十年來兩見之

芝庭少宰階下產芝明年

有祖孫會狀之應南華張宮詹圖之曾屬余題草木由來多臭味天香仙

杏自相隨

將出都口號示兒子

汝誠

客裏寒暄明父子

天邊酒醴屬

君臣老夫忝竊昇平遇敢忘孤睽世上人

春帖子詞

瑞雪同民樂天漿應候斟永躋

仁壽世其仰發生心

十莢

堯蓂開正初春隨

玉輅自徐徐江南江北歡迎處正似梅花笑口舒
河流循軌昭靈祀海溘安瀾感至誠一自祈年
躬典禮農祥叶吉泰階平

有鳥東邊連寶徵士

一抹疎林瀛鄭連孤城隱隱夕陽邊夢中握手三
千里月下來投十二年

庚午冬使節過此詣予鶴行館話舊今十二年矣

髮尙書携舊履雞栖處士卧寒氊重來昔日談經
地有鳥懷人是信天

今年長至前爲

聖母七十慶辰羣與方問亭宮保以祝

釐來京師相見於朝禮成宮保奉

命還保陽訪予於子舍小飲叙舊又旬餘予亦

陞辭歸長水宮保念予年老衝寒遠行遣使者導

至德州境情致斐惻賦長律以紀期以十年

後復恭遇

聖母八十大慶羣當乘蒲輪北上宮保年七十餘

携驥子詣

闕下各扶

賜杖肩隨於金祀玉城間是詩其引翼之矣青山

白石母寒此言

暫紆使節枉相存促坐寒牕笑語溫一縷無情添

白髮十年有約尙青樽別來事業須堪紀老去詩

篇要細論若問故人何處宿碧參差裏謁天孫

計程

當於除夕
至泰山下

附
原韻

方觀承

東南耆碩幾人存 寵讌新叨詔語溫喜就班

衣聊憩駕得從素侶暫開樽江湖日月

君恩予竹柏因緣歲晚論更閱十年同此會千霄

又見起桐孫

中丞阿公愛讀子詩賦贈一首

君讀我詩同嚼雪我聞君政似安絃
和平可養人間福澹泊真如地上仙
麟閣功名圖畫裏鶴蹤來在水雲邊
歸塗新製迎鑾曲于薦聲中要共傳

山左道中頗承當塗遣使存問眠食賦一絕以謝

天子精神

帝許閑

子拜尚書之仍許在家食俸

命筍輿穩便且看山可憐

山色知人意往復遮留不放還

大兒

汝誠

同諸門生孫子輩送予出

國門

又二十日至江南境二兒

汝恭

率孫子輩迎

予於桃源境上時四兒

汝隨

五兒

汝豐

侍予

出京命從至沭陽縣署口號一絕

將雛返旆似歸鴉小駐安車笑語諱有子來迎孫
在膝不知南北是吾家

花朝後一日奉陪歸愚尙書過惠山聽松庵

重閱

御題竹爐卷次韻

天濤振逸響往往留名庵聽松結精舍靜寄西神
南庵中有竹爐編密緻似緘曾聞已湛輩叅會禪
味恬遂傳都籃勝攬賞走趨趨憶昔忝扈從識此
黃面曇十六年予隨從法駕遊此寺僧石泉跪迎道左
詔命試烹法要見名理含松針引佛火微焰中自
炎須臾狉花甕罷酌薪已爇

睿情一爲暘香靄霏晴巖詩成題幘首齊力萬毫

尖宣傳賡和者近臣惟四三

時奉勅賡和者松泉汪文端公予與歸

愚尚書叔度司農凡四人

逾紀復展閱錦暉東莊嚴嘉遊得芳

辰巧遇非由詹佺期今詩老險韻信手拈如入不

二門坦夷視磐砦趙州茶又熟公案應重添引我
蹣跚客同坐彌勒龕松濤與泉籟間奏娛清探明
當隨

碧罕側耳聽雲咸

恭和

御製沈德潛錢陳羣來接走筆成什書之各賜一

通元韻

聖人三至澤浩蕩平江千里水環迴沙隄跪迎杖
屨接

蘭舟笑語夔龍陪

帝庸作歌譜角徵臣勉學步煩敲推回頭兩岸襪
負者熙熙婦子躋春臺

恭和

御製過嘉興再和錢陳羣田園雜咏十首元韻
南州夏諺有同聲行見

時巡典禮成遍

諭所司詳體察由來游豫爲民生一

春雨鳴鳩拂羽催晚梅猶傍杏花開

天顏霽與和風會

躬奉

慈雲沛澤來

二

昨冬至日事

升柴

上於冬至前三日率天下臣民恭祝
聖母萬壽二十有六日有事於南郊獻

壽追趨九老來

時命王大臣等二十七人舉
香山九老盛會臣陳羣與焉九

九圖中春正暖榆煙已換鼎爐灰

三

侍從恩深眷舊勞詩篇技癢許爬搔昨從禁直

天濛採續風人賦木桃

上年冬奉
御製木桃詩

勅恭和
蒙選付鐫手

嫩晴天氣趁新畦春麥芊芊春水肥戒勿遠迎願

霽諭念臣新自

朶雲歸

五

衰齡晉秩豈云遲三省頭銜近

紫微

唐官制尚書門下中書爲三省臣於上冬十一月拜尚書之命

佇望平江

新柳外

綵帆華蓋正平飛

六

閑從農叟問暄寒獨坐如僧欠鉢單新捧

天家靈壽杖更裁文綺稱身寬

七

逍遙不用買山錢但祝從今歲有年生在農桑仁

壽世無煩一炷更祈天

用宋人行營雜錄語意八

擬隨山徑璚雲低

翠葆迎風帶鶴飛行到萬松陰似幄疊來衆石勢

成圍

元韻有爲吾數日隨清蹕可負湖山佳景俱句九

鬪筍烹茶與摘菰春

巡半晌

睿情醲願將臯拜酬

明聖手寫賡吟當正供

十

恭和

御製瑞石洞元韻

翠輦初臨浙風日正宜眺

皇心念民生觀海必親到乃於蒞止餘嘉遊首驀
竅自非仁智深安能領斯妙茲石吳山勝陰崖蘊

靈曜頂來胡僧摩池下仙人釣外瘦露嶺岵中虛

含幽峭父老迎

鑾歸

是日 上由嘉禾至杭州萬姓踴躍歡喜手舞足蹈者填塗塞巷

山半聞歡

笑怡情旃未靡花光散霞照明發登龍山行見敷
政要

恭和

御製觀海塘誌事示楊廷璋莊有恭元韻

乾隆廿七載海宇內外寧

巡典無非事視海體其形三疊何迭蕩所由時替
更南行山障之稍薄於西興趨北勢誠易其地衍

且平水性本善折由中豈其恒先臣創鉄牛

先臣錢鏐

射潮東注以鉄牛鎮海建石塘禦捍遂建杭城

砥柱良非輕至今射潮處

虹亘長於屏我

朝奏清晏肇域皆春耕廣陵秋濤盛海若爲効靈我

皇三幸浙相度必親行塏山至險處

六龍按轡經觀海信有術觀瀾之所生尖塔

兩山名

扼其要障海如握擎

上方博咨諏許各獻其能

時上先遣重臣詳勘後親試諸生策問海塘

得失活沙蓋鉄板椿下虛難憑爲民不惜費得失定

所爭若云稍棄地民患復兼并鑿池既成俗宕山
投深院

睿慮忖度之衆端無一應乃下

明詔曰朕師勿震驚柴塘可護石老塘本不傾南
比中三道因利任滄瀛所如如以利本不俟經營
當濤汎盛時西北風力大自可上策非人力中策
直刷徑趨中壘可不煩人力也
可卜成築塘增柴價民力庶可撐石簍亦改作以
禦撞爲程
先是石簍高濶水勢撞之易至衝突撫
臣改作扁累密可受水至是上又酌
改愈
善
谷王念民居其默鑒

皇誠

恭和

御製駐陳氏安瀾園卽事雜詠六首元韻

宸遊籌捍海決策計廻瀾

行殿停蘭舫

上於前一日駐杭州行宮次日黎明啟蹕幸海寧

春旂導

駿鞍園門喬木蔭花徑白沙寬斥鹵生民幸熙熙

萬井歡

鳳翥頒新藻

雲書仰舊懸

園額舊有聖祖御書林泉耆碩四字

賜風煙深老樹

汨瀟響名泉蟬跡污書卷禽聲入管弦

幾餘成小憇要亦愜幽妍

二

故家貽世澤接武近西清

相臣元龍掌院事
子孫直官翰林

信宿

天步風光契

睿情何曾施藻纈亦足養靈明晨起仍遵海魚龍
感

至誠

三

豈爭巖壑勝得石動盈尋偶見梅猶萼不知春已
深地偏廻俗侶境靜孤清音

兩字千鈞重

上幸表忠觀詩有蕤
腕力亦敵弩千鈞之句

真成定海

針

此因以安瀾顏其居
上以觀海駐蹕於四

過江風物近脩禊憶當年

是日恰逢上巳

但洽茂林趣何

妨緩吹捐嫩桃紅冉冉新篠影娟娟徙倚一吟眺

暄和靜裏延

五

飛花迎旆罥

輦路不重脩春草豈無意春風自轉頭乘時農事

早激賞

聖情留太史書

巡典陳園紀此遊

六

恭和

御製淨慈寺瞻禮

林栖臣本是朝紳公祝

鴻禧慶麗春

雲

慈雲凝瑞彩舒長

愛日恰初旬現中慧果多成樹

天上香光不著塵千手應真齊合十普同歡喜證

前因

恭和

御製觀錢鏐鐵券作歌元韻

皇帝初巡駐錢塘下問鐵券臣家藏奏云僻守台

州族

向爲台州族人世守未及進呈今三次幸浙族孫選自台齋至遂恭奉

御覽

臣

忝扈從不可將先臣生丁五代季乘麾戡亂水造
唐討劉破巢繼誅董蠡視竊號徒猖狂表彰功德
臣抃軾其時先後來守杭臣軾又言射潮事江海
東注澤孔長券中所書僅一二已足令人不能忘
風茲有位我

聖主五載虞典一省方

親舉玉趾攬廟貌冕旒伏地家五王

三世五王爵
上第一次

巡幸表
忠觀句

褒臣先人曰忠順勗臣孫子以善良

勗
哉

錢氏

族自世守家風
上第一次所賜詩

臣今老矣守宗祏三陪

祀事迎牲薌以謙承之以謹守大哉

7
皇言日月光

元韻有作歌裝匣付珍
弄所嘉謝表撫謙光句

恭和

御製題林逋蘓軾詩帖疊舊作韻

宸遊一寄西湖曲
草匝孤山漾晴綠
處士高風不可尋
歸來得句憂寒玉
當時遺跡落世間
野衲茅庵混塵俗
眉山尙友重其人
如入幽局照銀燭
流連愛慕弁其首
曷飲食之猶未足
敲石光陰七百年
相馬其奈眼皆月
兩賢精爽早式憑
干莫同爲石渠錄
美彰盛傳今遇之
那禁臨風歌一曲
重携此卷到西湖
墨香清韻伴脩竹
倘逢

秋省或來遊豈獨探梅還訪菊

恭和

御製登煙雨樓與莊有恭聯句用石鼎體

省方觀浙風民隱詢羣吏

興發登斯樓榮逾

幸臣第

煙雨樓爲先
臣元璚所締

小駐飛輕舟閑凭寫高致魚

樂忘罍簪水熟足菱芰非煙浮淨明非雨釀和霽

影搖一鏡中景收十笏地林禽寡機心村媪無迴

避虞絃入風謠夏諺譜雲吹

樂府有雲吹上
乘舟所歌也

虞懸

銘不刊笙補雅可肄振鐸同啟聾祛俗勝撥翳

臣敬

書 御製補雅六篇 鐫鐘特老駑
磬二銘於壁間為浙士楷則

命導先家兒得假伺臣於蘭陵蒙召見舟中
命隨從至杭州臣子臣汝誠

於數日前得假省母時跪迎樓下香霏寶篆紋草拖書帶翠

恩周氣必昌人和物咸遂從來一道同早見遐陬

暨無妨頓宿程少紆羲和轡由初而再三續

祖自承繼今年為上第三次南巡從此
五年一舉皆續祖舊服也

三朝湖邊人七十年來事臣自孩穉隨祖父仰瞻
聖祖於湖次年二十

時恭遇南巡以諸生獻詩於郡境蒙恩給賞
上即位之十六年二十二年及今年凡扈從三

次遭際昇平躬叨異數實為榮幸之至是本豐樂鄉而守農桑利同

功繭符祥連穗禾書瑞皆郡所偶進承旨詩上合
產瑞物

聖人意

臣前次所進趙孟頫畊織圖詩于屏風二

嘉茲金鏡效張齡句今又蒙課量重陰晴咨度爲

年歲

詩成夙揚帆曰行展巡義

恭和

御製臨師子林圖元韻

幾餘閑賞寄三吳減從清遊不可無載

筆重尋成印證按圖薄陟攬紛吾倪迂結癖曾堆

石維老叅禪此折蘆

元僧維則與倪瓚徐賁友善師子林爲維則道場則好聚

奇石疊石皆狀後倪取佛語名庵瓚爲之圖

邱壑卽今歸

睿藻高僧處士豈凡夫

自毘陵奉 旨隨從至杭州二十餘日昨於

吳中 命歸嘉興宮怡雲方伯同子守陂郡

丞約王生士會鎮之及小兒

汝隨汝豐

兄弟

泛舟登煙雨樓看予所書各種屏幅經 御

覽者少頃予亦乘小舟至彼守陂留飲移時

各散去席間出怡雲用東坡上已出遊韻予

亦次韻一首東坡自言隨所見輒作數句明

曰集之故詞無倫次予詩亦云

浹旬扈從經晴雨小住明湖萬花塢一從

天語賞臣書月眼驚看誰敢侮

上幸浙凡所經過見拙書留壁間

者輒命藏弄

東國詩人大小宮惜花賭酒趁春年輕舟

並楫泊樓前野老忘形到爾汝讀

詩共仰洪鐘鳴

予書有特磬二銘

御製補雅六篇鍾鐘皆亘古大著作也

觀

書自喜寒蛟舞諸子各出袖中句韻艱語澀坐自

苦我本主人今作客

樓爲先人別墅

君應爲客翻爲主經

年不見怡雲詩但覺魏公益媚嫵提壺勸我柳陰

下判帶鋤來醉埋土偶論往事溯經始清流鏡面

寒家園

二十二年陳羣有詞臣歸老此居停句

上登樓賦詩賜

春城回憶十

日前歌吹家家無處所

天顏再顧留餘盼萬井歡聲傳士女夕陽斜照樓
影暗微風輕習花頭俯閑看漁網晚初收入市脩
鱗鮮可煮遊人欲歸還未歸隔花夾岸聞人語一
曲無須賜鏡湖數椽乍可安僧宇衰年容我兩詩
翁行看結伴聽魚鼓樓間新笋已參差隄外嫩綠
復如許相於無言且歸去平生有願誰能阻功名
事業付兒曹對酒當歌天所予

題松風覓句圖

有序

戴生星垣侍其師歸愚尙書遊錫山與予遇
於聽松菴取竹爐酌惠泉明日尙書有詩紀

之星垣能詩工小楷尙書每入山必偕之往
昨予過尙書齋出斯圖索題率筆應之

聽松庵裏逢詩人尙書携客戴安道烏絲小楷張
吾軍豈獨能書詩亦好

翠華三月駐杭州尙書携之復來遊閑行獨上靈
鷲頂松風泉韻聞颼颼歸來作圖題覓句髣髴天
台石橋橋畔遇倘添扶杖兩白頭更向山僧乞茶
具何須苦學太瘦生元音要遺象與名笙簧入耳
萬籟清此時此際真移情

恭送

法駕還京後予亦歸臥長水舊居吳中親串邀予
遊靈巖諸勝同城當塗先後過訪次日尹望
山宮保從江寧以公幹來吳喜晤記之以詩
並似榕門陳宮傳一首

扈從平江度好春重來甫里踏芳塵縱無胥脚酬
名勝尙有談諧接故人諒作戶樞勞轉運要於流

水想精神三年再見賢人聚同在昇平署壽民

前歲

諸城相公會望山宮保勾當公事來吳門余送誠
兒還朝亦至陳榕門宮傳作東道主予以詩紀之

附
原韻

尹繼善

花開時節正三春記得追陪步後塵見面先吟

當日句問年並及首行人

舊贈詩有首行升命婦句今承問及心

清誰似心無累筆健應知筆有神

御賜公詩云老錢筆老健

歸去北牕高臥穩羨公不異葛天民

久傍鴛湖度好春結廬深處遠紅塵扁舟訪舊

疑前夢白髮談心剩幾人却爲難逢頻握手更

因惜別一傷神尙書杖履遊何定時入煙波伴

老民

聖山又疊前韻二首依韻答之

醇醪氣味直如春冰雪情懷絕點塵漫與詩篇勞

驛騎特分甘脆繼庖人世間會合誰能至交道從

來亦有神巢許不逢臯益輩恐難安穩作堯民
入座移時喜得春別來千里寄音塵文章許我爲
同輩蕭洒如公有幾人飲到無功方入聖書能自
變始通神晚年學得忘歆羨扶杖人呼是順民

附
原韻

尹繼善

吳門真有四時春花繞長堤柳拂塵重到山川
留勝賞欲邀風月待同人自來逸興原超俗寧
祇新詩妙入神老去身閒復底事惟將風雅化
鄉民

又送輕橈向富春幽情尙喜踏芳塵應同松竹

爲閑侶並與湖山作主人白社當今推齒德

御賜詩中與歸愚
宗伯同稱大老清歌隨處寄心神鄰邦更

有聞風起近見絃琴遍里民

橫江鴈

有序

虞伯馮甥畫山水兩岸皆山中夾空地添鴈
數行空地卽爲大江此烘襯法也其伯氏孟
亭侍御題幅端曰先大父司寇公會畫山水
類此適有新婚者乞之遂舉以贈并系一絕
有橫江鴈似填橋鵲句對此不禁爲之悵觸
司寇爲予老友穎悟過人語多見性孟亭兄

弟綽有祖風因製橫江鴈詩善領者或於筆
墨外遇之何如

橫江鴈填橋鵲擬不於倫却有倫曲陽老翁善戲
謔填橋鵲橫江鴈涼月寒雲各自忙高樓獨倚時
相見畫中詩詩中畫聲聞色相本虛空以形失之
以神會詩中畫畫中詩畫裏若能叅杜甫詩中定
亦解王維

送第七女汝德于歸武昌

愛河作淚不能收伐性真同戈與矛少小適人論
萬里帆檣如馬正三秋他年拄杖匡廬阜乘興還

登黃鶴樓聚散由來相倚伏清塗宦迹證前脩

魯上人出朱山人畫馬索題

上人夙有支公癖出示九馬皆權奇六馬騰踏各
技癢向背轉側生風姿二馬白黑天然匹蕭梢意
態自能刷一馬崛起下澤中飄然不受青絲籠山
人畫馬由意造意所見者筆已到不須閉門苦學
松雪老偷取身法方能落紙稱神妙

題王雨亭山水冊子

蕭齋暑濕烝氛氲悶坐自遣遺音聞瑠璃平鋪不
得卧卷帙散漫心神頑忽繙架上畫冊子悠然置

我山與水風帆破浪逐電來寸陰似可責千里一
幅蘆芽春水肥河豚欲上未上時我欲側身入漁
艇柳陰小泊呼尊師晴山脚下結茆屋白日無人
蔭古木繞籬娟娟萬竿竹鎮日泉聲聽不足振衣
飛上黃茆岡雲龍山人之草堂此時炎官迴火繖
此時高牖生微涼輞川雪霽不可見摹仿流傳亂
真贗閉門驅暑孰能事里中尚有王宰在

漫興柬孟亭侍御

人言柏悅因松茂本性惟應松柏知松養精神非
古怪柏雖樵額益清奇水霜着意長相護桃李經

春自及時靜坐細叅齊物論托根天地豈容私

題江河載酒圖

陶峴舟中客有無曾留姓氏在江湖詩篇分得涪
翁派載酒應題第幾圖

將之攝山舟泊丹陽望山宮保遣弁來迎
惠示瑤牋詞意諄懇又寄再用春字韻二律
詩格高雋情致斐然循誦之餘香生齒頰奉

答二首

溫語盈緘十幅春新詩玉質淨無塵擔當艱鉅方
完我主張風流豈異人長鑱未携虛藥物短衣偶

試笑山神喜看百穀登場日恰值

皇家籲俊民

最愛秋晴暖似春雲龕竹厂絕纖塵課除覓句無
多事 詔許看山有幾人要與鷺鷥論浹洽敢

將松柏比精神道旁親見沾恩者到處歌傳擊壤

民

附
元韻

尹繼善

風月相邀歷幾春天教杖履踏芳塵預將白鷺
洲邊句遠達吳江道上人

戲用先生
舊札中語

念子知應

僱櫓槳登山自便長精神村農不識尙書面惟

待爭看先覺民

秋光誰道不如春
楓葉將紅更絕塵
白下閒遊來大老
青山作主讓何人
難逢橋梓同携手
寧祇詩文一爽神
處處西成場圃滿
好開笑口看堯民

題楊木臣明府清江坐釣圖二絕句

魚亦忘機與手謀
碧流清淺任沉浮
故人相送勞相贈
莫遣陽鱗上釣鉤

尺素傳來未有因
門前綠水卽通津
恐辜千里雙魚意
未肯輕離獨繭綸

縣潭山館十詠

葆真堂

握手浮邱公長揖抱朴子得意自忘言穆然會深旨

訥庵

譽旣恐蹈非和亦重吾過三復金人銘庶執王良靶

翠香閣

晴牕風雨聲月下虬龍舞散誕小閣中一笑遺簪組

莓逕

杖經破亦佳鶴踏殘亦好幽致一遇之奚童莫輕
掃

律素書廳

萬卷鄴侯書於此寄清抱吾衰抄未能借讀庶防
老

嘯雲樓

捲簾參可捫拂衣霞自舉不見佺羨儔白鶴時來
去

蓼陽茨室

蓼花偏解苦萱草自忘憂蛩蛩如有意催人賦生
秋

息軒

知足寡異營勞生任羣動要見靜者心且息至人
踵

待月移

舉頭共明月對面各千里見月不見人待月何爲
耳

澤花腴菜井

汲深意良厚綆短何由力要慰望澤心筮井占勿

香樹齋集卷之五
幕

封君秋澄蔡翁於去歲初夏舉耆英會於楓
涇所居之尊德堂曾命柬邀予予適病卧未
赴辭以秋爽當驀入雅會也尋蒙

恩准治袞北上恭祝

聖母鴻釐有 旨與九老會導遊香山又浹旬歸

長水昨 令子蘭圃修撰得假寧親出家從

孫載尊德堂會詩序索題次芝庭少宰韻

清風涇外桑柘綠皓首龐眉聯近局憐我維摩示
疾身魚牋枉訂新筍束我憶懸車忽十年高卧懶

拍洪厓肩當卯聊勸一杯滿經春忍負千花然吳
江楓落船脣立秋雨秋風片帆濕舍舟而陸直北
飛重理當年舊袴褶奉

詔香山獻

壽人杖履來看

天上春晨餐得飽大官米晚宴猶拜仙厨珍

二十六年

十月入

朝蒙晉爵仍日直禁籙賞賚便

耆英或

蕃事竣辭歸羣又承命留浹旬始出都
五或九七盡是松喬難老質君謨有子領羣仙出
示我家庶子筆華堂佳會叶三辰綵服多驚花樣
新到門他日尋前約張丈殷兄老更親

...

香樹齋詩續集卷十六

嘉興錢陳羣集齋

乾隆二十七年八月奉

恩旨遊攝山恭和

御製遊攝山栖霞寺仍疊尹繼善沈德潛倡和韻
靈草能養生功德茲山冠少日謁金庭紆轡頓陽
羨謂是隔只尺至竟河與漢臣年二十時客金壇
宜興間去攝山甚近

未得一訪垂老一問塗卷帙携雙舄超興踐宿諾

霽語添新按

時臣子汝誠奉命典江南試
以臣精神尚健許自浙至金陵見臣

子便道遊栖霞結念領幽憇流目動遐戀緬彼捨宅人遺

此栖賢院卽事證奇逢所歷通嘉觀

賜杖香山歸濟勝夙已辦

昨冬視蒙恩賜杖

入京

夏陰旣彌岡秋蘄復披徑扶踈露幽仄豁開轉平

正舉頭仰

天題暢目自生敬

臣

本山澤民老遂麋鹿性茲遊

拜

主恩錫類承家慶時序屆登臨年豐貺佳勝問義

洽天人觀道一凡聖采秀思俯拾攬遠輒閒凭清

磬度林間側耳有餘聽

擇勝先賞奇雲根結三石

石以氣魄勝者有三一在紫峯閣一在行宮

後苑一在白鹿泉在餘勢走如浪千疊崖而客取徑或廻互

往往失咫尺藤古隙爲緣樹迸崖欲坼凝眸睇丹
楓仰面承翠帟塏影聳危巒佛身窺陡壁名相卽
成空見一自可億固哉去來人逞臆分主客越奧
礙篲輿蘭若且就息緩步招山僧導我探泉脉
攀蘿躋崇嶺徑險爭麋鹿淙淙碧澗流蒙茸浸滲
漉野菊應候敷其下有甘谷俯看松濤翻豈異波
洄湫泉響與松聲遙聽疑遠瀑連朝踏山椒佳處
難更僕何期示疾餘猶嚮洞天福夜來巖館眠到

枕雜琴筑

極遊洵忘疲遐企羲皇上人世有此境曷弗恣清
賞袞袞大江流東去日沆瀣放情寡拘束軼足任
浩蕩笑揖璋紹輩雲中一來往山靜屐自希了不
聞凡響吟成落珠璣樹義外言象瑤草倘可期或
遂延年想

達哉齊僧紹規壑誠好事洎乎締構成一笑敝屣

置吉甫

督臣尹繼善

愷悌臣南邦民所望因高實營之

巡狩延

車騎休文笠澤老不借披荷芰

尚書臣沈德潛先來遊此不借遊山

履名蹉跎六載餘始此成遭際

十六年臣扈從來江寧未至攝山二

十二年督臣尹繼善於政餘一爲疏剔樹木蒨翳
石壁峻嶒泉壑交注頓開勝槩與尙書臣沈德潛
遊覽賦詩以紀自二十二年及今年兩次巡典
幾暇臨眺皆用其韻臣曾奉勅賡和按圖成什
而已今秋始得來遊瞻仰御題超邁陶謝屈
伏齊梁恭讀之下再四尋繹爲山靈稱幸焉
楓丹露白晨停車領幽異晚迹諧隱淪孤吟斥排
儷觀止賦歸與廻眄欽神麗

旣遊攝山得與臣子汝誠

會於金陵卽事紀

恩敬賦長律四首以志一時欣遇云

烏鳥私情達

聖聰溫綸曲體鑒臣衷三年兩作朱衣使一歲重

依白髮翁

庚辰壬午臣子汝誠兩典江南試事今春扈從南巡賞假省親茲來金陵又

得與臣喜共堯民歌

子相會

帝力

平江千里

翠華所過

怡賡周雅慶年豐

上

兩江今年

由庚華黍情文備都在昇平雨露中

寶華取道見山根煙靄霏微到寺門金碧早瞻諸

佛面館餐皆拜

聖人恩遠泉直挾松濤下落葉時從鴉背翻坐愛
停輿如有愜石梁徙倚會無言

十日閒遊不計程不拘迎送不經營偶思團聚皆

天性晚愛山林亦至情玉冠新忝修後進

玉冠峯上賜名

也督臣尹繼善尙書沈德潛皆臣同館後進而遊
山年月却在臣前修後進以謁山神亦茲山嘉話

云銀袍初著謁先生

鹿鳴宴罷舉人之在省會者間以門下士來謁苾芻

軒冕無殊相談柄流傳到上京

田盤奉

詔許躋攀清夢時猶繞碧鬟

壬申二月臣扈從謁東陵迴鑾駐盤山行

宮是日上巳

召見諭曰今日天氣佳汝可一遊盤山明當還京也

不謂懸車垂釣

者又來疊浪紫峯間使旌望

闕行行去倦鳥依雲緩緩還更擬他年隨

翠輦扶藜踏遍六朝山

附

和韻

尹繼善

疊有新歌達

聖聰並傳好句慙微衷久推高尙同僧紹

天語稱先生

爲僧紹

近更風流似醉翁老去惟耽泉石趣秋來

喜看稻梁豐韶光彈指百年事盡在先生笑語

中

紫峯閣畔有雲根

雲根泉名

詔許遊山到白門暫得團圞皆至樂閒來眺覽總
殊恩巒光入戶青蓮湧水色連天雪浪翻往日
西湖誇絕勝未知過此復何言

暫緩歸鄉一日程驪歌欲唱費經營意真豈在
多文添交久方能見性情大老何人爲老友尙

書故態是書生應知此後蓬窓枕有夢應還念

帝京

雨浙林巒久不攀枉教翹首憶青鬟舟回煙雨
尋樓外人在蒹葭白露間驛路免馳新柬去吳
江好讓凱歌還秋深處處楓林滿誰共携筇一
看山

壬午之秋恭遇

萬壽聖節

臣於數千里外望

闕依戀敬遣家人專齋賀摺并附寸芹數種藉申
華祝內有天然竹如意一枝自愧茆淺方深

惶慙乃蒙

硃批云未頒僧紹之賜却致公遠之貢文而有節
把玩良怡今賜卿以木蘭所獲鹿服食延年以俟
清晤臣跪展恭讀感深五內尋繹

溫旨仰見

皇上於行秋幾務之餘

天藻下敷動與古會至徵引典實雅切風華雖古
帝王批答賤疏榻本間存一二未有若是之
情文並茂者也篤斐恩深莫能悉舉俯念桑
榆之景許分芝餌之英沾渥澤於瑤光荷

天情於奎翰引年自葆再歌小雅嘉賓之詩誦德
維祺竊效晦邱封人之獻敬製七絕六首用

代摺謝伏惟

睿鑒

臣不勝感悚之至

大獮秋山正罷圍最高峯上望金微四千里外長
須至捧得

天厨左牒歸

瓊英一握貢蓬萊獻

壽南山玉筍才供奉詞

臣

今白髮恰從僧紹宅邊

來

時臣適由栖霞至金陵

天然三十六玲瓏節節分明見化工七寶莊嚴珍
秘笈豈容公遠使神通

芝草賓連或頡頏羅浮深處毓簪簋文同坡老誰
能解千尺何妨尺許長

曾學呼圍踏後塵騎來

賜馬肅駢駢

乙丑秋扈從塞外蒙恩賜馬

移時數獲

和門下全鹿先頒作賦人

時珥筆圍中秋郊大獵賦賦成進呈

命作

御覽特

賞全鹿

丹筆批章幾暇時散行顥顥露珠垂遙知塞月風
清夜多唱中秋帖子詞

既遊栖霞卽入郡城憇兒子汝誠公廨聞歸
愚尙書自吳門來喜而賦詩用陶彭澤九日
閒居韻

高秋躋崇阜拾草期攝生金光終難邁依俗慕其
名下山遵周道曉霽萬象明孤鴻自求侶雲際傳
遠聲故人頭滿菊丹訣延遐齡聊將客中酒一對
晴巒傾寶茲天爵重豈嬰人世榮

國恩激深感家累牽餘情晚塗行自勵相勗以有
成

暮秋訪尹望山宮保於滄浪亭公廨出立齋

高齋使所繪其尊甫相國文定公賜墓圖以
陳羣與文定公有舊屬予識之紀事述往效

韓退之張文昌體

自我交文定卅載欽大賢徹琴既辭世列宿歸星
躔憶我平生好獨坐時泣然昨歲我北指小泊邗
江船令子敦古處酌我第五泉菊英方粲粲桂露
亦溥溥時方秋月上導我步平山燈下見諸子頭
角何珊珊始信仁者後其理如循環今秋奉

恩旨攝山一躋攀老友作東道賤札投紛綸迫我
走白下節旌來吳門滄浪啟高館執手笑語溫出

此五清圖促我題詩篇云我昔者友吉壤安牛眠
誰實爲此圖令子高使君使君守官職無由守墓
田歲時感風木一食猶三歎繪此以神往儻如見
二親先生今有道先我餉一言我聞宮保言展圖
一流連佳宅本

天賜衆皴生雲煙斯人得斯地積善貽後昆諸孫
皆令噐獲報自有因如雨必潤礎是影必隨身一
再懷清節翹首企先民

師健大中丞充養有素得主靜工夫偶爲詩
姿致秀逸然雅不欲以詩名亦不多作昨聞

予遊攝山寄一絕讀之香沁牙頰次韻爲答
清詩似玉絕纖塵繪出秋光字字新只恐山靈偏
解事拍肩攔入作詩人

附

原韻

托庸

峯巒如洗靜無塵紅葉初飄秋色新
今夕山靈應大快白雲深處有詩人

九十詩仙謠爲沈歸愚尙書壽

我昔奉使踰崆峒跋馬一望凌虛空
廣成遺躅不可見但見千里積雪飄
長風又曾頓足亂涓水蟠谿激流波
瀾瀾三千六百鈞已往石壁深阻林障

裏紆轡走瑤池八伯不可追高睨歌白雲王母一
頷之昂倩小兒渾是膽驀渡紅泉真竊忝觚稜重
直倏十稔喜揖雪髯吳興沈

文思天子光昭回近臣珥筆來鄒枚

漢廷禮數慎師傅曲宴往往相追陪天瓶書松泉
筆吳興晚遇乃後出

九重溫語互甲乙芒寒色正五緯呈粲粲繁星誰
與匹引年稽首賦歸歟春明祖道開東都我亦示
疾請懸車後翁一棹返敝廬翁每放船訪長水我
亦挂帆過甫里春遊或借僧紹冠夜泊或共鄂君

被祝釐昨歲走

皇都一雙 賜杖趨金鋪耆英赴會二十七同時

獻

壽來嵩呼長安門下士黃散列棐几捧觴爲翁壽
聞者轍嘆美翁乘安車我駟馬踏雪衝寒各南下
便邀連楫駐毘陵艤舟亭邊迎

鳳舸東風二月正花時夾岸謳歌士女嬉少焉有
旨同召見頃刻傳示

新裁詩一時從臣動顏色爭看自

天雙賜額德潛曰九十詩仙陳羣曰香山耆領臣

亦蓬萊舊散仙翁是香山老詞客商彭祖衛武公
前身仙裔今詩翁翁年長我一十三長眉廣顙如
瞿曇天台黃海多躡遍名泉寶刹供幽探與翁十
年再入香山隊雙眸瞭然耳不聵
天子欲有問焉來就翁翁辭不敢曰臣請扶鳩密
勿陳清對

夜讀孫可之文

屈宋卿斯揖後塵蘭臺鳳閣絕比隣自從乙夜

親題品樵也忠魂眉一伸

樵大明宮賦曾蒙
睿評與典謨同旨

叫闥室巧心何拙

孫樵

抔土埋文命亦連

劉蛻

猶有漁

洋公道在不將劉蛻先斯人

阮亭先生持論謂樵勝於蛻最爲平允

同年雅雨都轉引年乞身有

詔許之予養病里門不獲送別適見雅雨畱別邠

江諸友詩四首卽次其韻

風月蕪城大可憐天教付與使君偏一從 丹禁

傳申命又沐

皇恩住十年來憶春深垂柳候去當節近放梅天
掛帆直到鄉園落始信名全樂更全

宗海何人敢後河平生餘事有詩歌要維風教敦
三物自喜臣心托五純壇坫瓣香江左盛惣持接

踵濟南多老夫臭味今猶在擬向邱樊臥薜蘿

何思何慮更何愁曾訪平山爲小留不敢嬉春隨

士女也教踏月作

讀

中秋將離會上詩盈袖叢菊

開時花滿頭別後垂綸問雙鯉那能無夢到南州

他日安車客叩門

昨冬屢蒙

召見有轉瞬十年

御批

又有服食延年以俟清晤之諭

故人期我

一相存延齡要乞長生訣乘興還遊獨樂園老覺

多情終是病悟參小技未爲尊

用少陵詩意

吾衰清夜

惟滋懼慚愧林栖受

渥恩

壬午十一月初八日接到

恩賜

御畫竹如意并

御題詩跋云錢陳

羣進至竹根如意把玩之珍輒成一律鐫諸柄

因繪圖以賜之卿其和韻

臣

跪領之下欣感交

集慚悚益深除

臣

繕摺陳謝外謹遵

旨恭和二首仰祈

訓示

根移嶰谷本天成結束都從意匠營宜曲折時偏

帖妥入

神妙筆益奇清鐫肌雅尙風人致琢玉長爲君子

貞衰老猶承

恩意渥漢廷禮數愧如卿

造化由來自曲成何曾雕鏤費經營偶傳僧紹神
仙蹟猶帶羅浮風月清句裏

恩光深更遠轡間靈氣潤而貞遙知玩賞

幾餘際信紙濡毫進墨卿

盆荷

年年乞得蓮花種花與先生共性情世上塵埃多
不染天邊雨露亦能盛偶於獨賞矜奇服坐待新
涼試晚榮我老從今多懺悔憐伊皎潔太分明

雲間沈學子出所撰徐媛傳索題

羅浮月下空畱影
香水溪邊合是家
來在夢中原有約
前生修得到梅花

舟中聞博如茂才弄笛賦贈

誰家玉筵耳邊隨
秋士秋風欲放時
響入霜林催落葉
眞如月下遇桓伊

題陳夫人秋夜課孫圖

宮傅聲名重二廳
孫枝又見玉亭亭
太邱慈訓重聞在
不盡含飴畫授經

恭祝

慈寧拜 紫宸歸來子舍接朝紳就中藹藹情親

者知是宣文帳下人

前歲予以祝釐入朝留兒子汝誠子舍月餘近科館閣

後進頗來起居松山編修與焉與予誼分尤篤

夜紡先圖感

至尊

先太夫人夜訪授經圖乾隆壬申春正月五日蒙聖恩御題二絕句并賜御跋有

慈孝之意惻然動人八字御題詩今日又重溫製詩巾有吟詩不覺鼻含辛句

侍郎名句堪移贈直過期願教耳孫

先太夫人圖中俞穎園少

司農題有直過期願教耳孫句今陳夫人年六十餘神明不衰是詩堪移贈也

愧乏賢明作傳才閒提彤管一為吟當年范相燈

煙迹也到今宵帳上來

用范忠宣事

花朝日爲家書千壽時年八十有七

得一絕

一星南極近三台長養東風得得來
簾外笙歌傳法曲閣前桃李接官梅
絳衣仙子雲輶下綵服兒童羯鼓催
百歲花朝今有約還過一十又三回
金陀坊是壽民坊扶杖人多八十強
更羨吾家老居士年年生日會羣芳

正月下澣携戚族孫輩泛舟城南各以疑義
相質適成小飲逸亭魯山兩上人先後入
坐餉以茶薄暮始歸次鳳叶族孫韻

省識春風偶一尋諸孫似解老人襟
懷或可從

吾好鍾鼓應期繼此音遣興敲碁忘鳥下推枰携
榼對僧斟言歸更語二三子但愛閒遊便入林

春夜不寐

或寄狂歌或笑呶偶成詩本讓兒鈔看僧榻石添
閑課指鳥歸林定晚交不棄敝袍惟改袖無多短
髮自垂髻夜深擁被何曾寐讀易功夫但一爻

宮去矜郡丞侍其二親僑寓吾郡已五年矣
今春承父命由楚至京謁選詩以送之

剡下仍爲客功名十載違莫彈遊子淚恐上老親
衣詩共雙魚遠雲隨獨鶴飛爲貧還爲養將去復

依依

杭州太守東侯張君應 召赴闕

冀北掄才日畿東報最初喜君來駐軾屬我正懸
車惠政傳茅屋清風到玉除多情看翠黛珍重待
金魚

癸未月正六日紫光閣 賜宴聯句 臣子汝

誠鈔寄恭讀之下見遐邇之同風繪君臣之
交泰愧衰鈍未能依永學步敬題六絕恭讚
以志近光依戀之忱

當年一箭定卽籠豐澤曾陪讌上公

十四年春既
平金川

經畧大學士忠勇公傅恒及諸將士讌設大幄次
於豐澤園臣忝與陪列上卽席賦詩命臣於讌
次恭一自蓬瀛開傑閣笙簧歲歲記平戎

番語夷音韻不倫

幾餘偶試早傳神

上聰明直錫御極之初每
召典藩大臣詢以夷語入耳卽

能通轉固由天縱亦今日
萬里外皆歸版籍之先幾也側聞九譯多驚伏

天上生來

第一人

繼

志行師討貳携

廟謨祇爲定伊犁

西師初舉時上以準夷反側
祖宗朝屢討平之草面而

未草心同類苦其狂暴請內附乃發兵問罪
伊犁歸順後遂命班師而三孽先後內訌自貽伊
戚爰有追擒之舉

天教異類歸

皇化西盡龜茲疏勒西

衛霍旌旗驚鳥騫年時羅拜仰軍門遠夷自喜生

何幸今日親承

天語溫

食舉曾傳慶落成

天章賜讀讚難名

紫光閣落成錫宴聯句上命臣子臣錢汝誠鈔寄恭讀曾製

四言詩紀其事衰齡倘得躬逢盛願効鳬趨與拜賡

吟安一字判仙凡聲價如何比玉城

韻上每示一

玉有聲廷臣以次蟬聯而下雖推敲盡善奚啻城

之視玉也且天筆神速臣陳羣每奉勅聯句

如重華宮詠元宵次及臣有風團謝家絮霜點

洞庭橙出句云一氣雙九轉廣吟諸臣俱低語云

此五字屬對正難上命中使捧牋來信手賜對

云元宵百福并至今讀是詩者皆以為元宵二字

本應標出何等人各一巡巡亞奏與譙臣上之聯

高老餘皆類是各成二韻

睿章六叠叶韶咸

暮春之旦庭前海棠盛開邀怡雲方伯小飲

卽席次韻

燕鶯如有約蜂蝶豈無家不覺輕陰裏庭前落片

霞試斟三月酒同賞十分花狂欲思巢飲真乘博
望槎

過半韶華去還留三十春今朝竟無事對酒兩閒
人客意自衰白花容但率真近燈如欲睡此際已
傳神

恭和

御製九株松元韻

九株應入九如詩各具靈根挺異姿記得田盤山
下路摩雲倚磴或同之

他年天筆復題詩依舊舊葱水雪姿九老九松三

十六

香山耆英二十七人
合九松爲三十六

慈齡

聖壽實兼之

恭和

御製龍井八詠元韻

過溪亭

公案曾因一過留白蓮試問得知不

皇情洞徹天人義爲賞禪宗最上流

滌心沼

神爲流水身爲律心是澄淵鏡是秦一酌冲泉會

清淨閑堂何必定閑人

一片雲

壁立如屏一片雲猿迴鳥避自氤氲
巖翁石友呼爲丈騷體雲中題作君

風篁嶺

雲罕晨遊度遠岑幽篁潑翠自陰森
酌泉非復人間境流水高山含妙音

方圓菴

二義妙參無執一六時隨願有恒祥
閑從解脫門邊過悟得無常便是常

龍泓澗

池署浣花還插澗

浣花插澗皆池名

高僧洗鉢接名流偶

于石上評詩句或許秦蘓氣味投

龍井名人題句甚夥

神運石

竅處曾聞異卉穿

石足有木香花穿竅間宛若蛇蟠

居然上品小

青蓮磨崖鐵筆鏤

新句巡典初臨記歲年

御製有初

遊龍井誌懷三十韻

翠峯閣

七萃巡春下九霄登臨

踞路不知遙紫峯閣

在

山與翠峯閣

在龍井

勝處多經

天筆標

栖霞寺龍井皆新修葺者

上二次

幸江寧至栖霞

上三次幸浙至龍井

暮春之初錫山嵇尚書過訪夜話出見和詩

二首次韻爲答

尚書嬉春遊雅欲避人吏試水點薜茗繡帙亂卷
第開襟寫古懽結念託深致船移訪汀蘋櫂轉絃
湖菱心跡兩蕭閒時節正和霽何期秉燭人來過
遂初地左女出起居龐婦無迴避肴核剪菰薤嘯
吟當鼓吹格律振新音考究尋舊肄蘊真天可任
擘理障不翳未訶僮僕踈並斥輿臺伺廣野陳簡
韶下里集孔翠對面信云偶愜心於此遂小別何

足數帶水自可暨發興速于郵揚帆疾于轡行信

有定分聚散本互繼人皆羨後塵

尚書公子內爲翰林外爲郡守

餘俱英發

我獨紀前事

先相國任河帥時奉侍其祖母于任所今尚書亦任河帥擢大

宗伯奉太夫人于里第

旨歸侍

要守敦艮貞庶蹈不習利代襲

慈闈懽篤荷

三朝瑞忠孝成

國恩際會實天

意保君令僕身強飯永年歲勿孤今夕言示此

義

恭讀

御製歲朝圖聯句敬題

用柏梁體

歲朝盛事傳

西清雜

帝庸作勅拜賡滲漉布濩由人情諸福可致靡勿

呈

皇猷適駿蜚天聲文德用懿如風行風行薄海偃
衆萌飲以太和甘於飴

天漿洒潤仙掌擎詛周伐木傳丁丁天保采薇治

既成何事三六誇金甌用穆天子事地用遠致黃驪駢

賓連芝草擢靈莖休光旁燭瑞氣盈厥包礪礪登

嘉榮受石虛中盛水受一石上玉盤謠句大玉壓連城磬盂盥

鞞皆晶瑩桃移崑嶺柑僂瓊合六合產同一盛羅

含費著不可名列茵蘸筆宣朝英一幘共仰千祥

并我

皇仁孝爲導迎龍文鼎篆霏蘭生寶華香裊縈棖
桁綿綿景僕僊貞貞沃野慕化振長紘

聖度涵育垂光精春當燕喜代文明重門洞澈惟
推誠農祥爍應三階平三汗四比連接倅渴瞻

天表馳心旌里各計萬萬有羸聲教不闕無拘僇
玉門西去皆輿程孟陬東指依玉衡

天衢蕩蕩絕奔麇異類入享嘗

堯羹德毛鮮舉知非輕善長嘉會翼元亨

孔子作十翼首

贊元

太史占奏銅雀鳴諏日用饗開蓬瀛

後數日又錫燕

于紫閣遐邇內外輸葵傾蓼蕭酒醴歌簧笙

睿藻捧讀剪春檠攬金戛玉誰能評一讀一快浮
巨觥率作屢省毘公鄉時風時雨還時晴二十八
年春

王正

次答尹望山宮保

并序

數載前有答盧雅雨都轉平山堂看梅分
韻用林處士疎影橫斜水清淺暗香浮動
月黃昏十四字七言古詩一首宮保讀而
愛之依韻見遺時

翠華南幸宮保職任封疆身依禁近于自公偃
息寸晷之暇得五六百言真樂此不爲疲
者耶陳羣才拙思短未及奉和秋八月兒
子汝誠再典南邦試事奉

恩諭令陳羣乘秋爽一遊攝山且可入城一見

臣

于八月杪宮保遣弁來迎約陳羣于白下
作東道主旣宮保以勾當公事星馳至吳
門瀕行屬其夫人首行命婦治肴核以餉
予率子汝誠詣制府尹夫人命諸子導予
不繫舟

不繫舟宮保署齋上賜額也

小坐又數日汝誠

還朝予亦歸長水過吳門相見望山仍用
前韻示予詞致斐亶且曰香樹其速和此
詩勿孤老友意遲數月始得如約適刊續
集並載尹詩于卷中篇末惇勉兒子汝誠
且爲臨別之誠

溫諭自天下隨風到臣廬旣喜名山近不愁故人
疎故人知我抱夙嗜軍將到門遺素書爲言秋山
靜且靚急放輕舟日夜併風高露白襟袖冷月明
雁陣畱清影獨立船頭時一領五日艤舟鍊甕城
新詩郵寄披縱橫一讀一快雙眼明

予舟泊蘭陵
官保又遣弁

以詩來迎平明爲問入山路言尋藥艸經秋榮霜葉爛

熳紅于花行行時復一停車三日乃遍僧紹家採

菊亂插帽簷斜松濤合處盤遠鶴楓葉落時驚翻

雅斯遊何幸奉

明旨臣門如市臣心水此來豈獨爲看山還許因

之見臣子數起居故人情招邀雅會絲絃清宮保

吳門各當途譙予于公署極絲竹管絃之勝羣公憐我老爲客頓宿厨

傳不厭精趨府佳兒陪中饋令才典坐我不繫舟

迴廊步數轉射堂虛敞茗椀舊芙蓉池館水清淺

緬想滄浪亭宮保駐吳門以滄浪亭爲行廨案牘煩點勘公餘坐

懷人秋雲易爲暗有約不得同眺覽于此能勿會
恬憺佩我茱萸囊飲我鬱金香韶華過眼何堂堂
羣公餞我歸復以大白浮兒辭不忍別如鳥鳴啾
啾醉眠夢上最高峯下視巨浸如練失濛濛惟有
諸佛身跏結心不動醒來神揚揚層雲爲護擁羣
公遠相送厚意我承奉歸帆又挂京口月回首青
山露一髮公時閱讞候進止致君堯舜還讀律
相逢大笑意襄羊樽中有酒鵝兒黃小春天氣如
溫磨有兒何必長晨昏及時努力酬明盛接跡夔
龍奉

至尊

附
和韻

尹繼善

壬午首春迎

鑾北上遇香樹尙書于

揚州見示辛巳看梅詩卷卽事述舊次韻

奉和

憶昔年壯日聯吟共

直廬宦遊旋異地酬倡

別來疎自公歸帆渡越水殷勤時惠山中書越

中山水春粧靚賞心樂事誰與併高人一片冰

心冷獨與梅花對清影景趣都從閒處領我曾

于役過江城造廬請謁暮雲橫片時快聚雙眼

明公似老梅風骨秀清高不比凡花榮攀畱正
欲訪山花匆匆就道理行車柴門四望似田家
行雲無定隨風斜南浦銷魂吟碧草夕陽念舊
聽啼鴉郎君典試承

恩旨公方遠送浮煙水我至吳門意外逢極羨承
家有令子一見歡然述舊情似梅風骨愈神清
每親笑語風規遠寧止詩篇格調精今值

南巡舉盛典迎

鑾行棹風檣轉豈料邗城

遇故人天教會合緣非淺自昔平山曾點勘梅
發沿隄枝影暗幾番結伴經遊覽吟來長句何

恬憺詩與梅相稱字字饒古香壁上畱題處至
今光滿堂老鳳清聲雲外浮下視作者皆啾啾
因憶鴛湖畔花開亦洞瀕話到林園神爲動香
國年年常坐擁寒芳朝夕爲公奉是時並坐邗
城月一笑相憐添華髮約我餘閑寄和章風塵
祇恐疎詩律維舟郊岸聊襄羊挂帆卽渡河流
黃踰時花盛香溫磨看梅好及月黃昏相期清
夜梅花下暢敘平生倒綠尊

附
和韻

尹繼善

香樹尙書遊栖霞山並過訪不繫舟余時

有吳門之行未得相晤漫賦長歌寄贈仍

用蜀岡詠梅舊韻

鶴髮耽巖壑幽棲自結廬聚散總無常跡遠心
未疎郵筒千里互酬贈時得新詩兼素書鴛鴦
湖畔百花靚景物幾同西子併樓高煙雨絕清
冷萬頃波光雲倒影我獨碌碌勞形日引領今
春扈 蹕會江城是時花樹正縱橫惠泉水綠
錫山明不獨颺言多賡和更羨逾格荷 恩榮
詔許先歸飽看花重過吳門暫駐車我來公尙
未還家滄浪亭畔雨絲斜夜深同把酒興至任

塗鴉老友談心淡，彌旨恍如吸飲中冷水。我旋

回舟向石頭，公亦歸山課孫子。兩地相思無限

情，暮雲重疊遠江清。詩筵遙傳風肆好，交道有

神意更精。

先生寄我詩扇有交道從來亦有神句

令嗣重來膺鉅

典，老人棹沂吳江轉，相訂遊栖霞逸興良非淺。

憶昔寒山約點勘，忙中空負柳陰暗。

在吳門時擬往寒山

未果何如直上最高峯，萬里江天恣一覽。竹院與

僧房無處不恬澹，土淨泉皆美林幽。草亦香玉

冠峻嶺，紫峯閣武彙精廬太古堂。

武彙精廬太古堂皆

御題匾額

新池渾似鏡，鷗鷺自沉浮。况有雛鳳鳴，相

和不比凡鳥聲啾啾楓葉將紅更濛濛先生一
見神應動古佛禪燈面面擁蒼松翠石爲供奉
或駐南邦經歲月慚對青山搔短髮好遊最苦
乏同心耽吟却未嫻詩律無緣勝地共襄羊桂
花開後菊花黃晴和頗似春溫磨羨公枝枝玉
樹侍晨昏西風吹我姑蘓去誰共高歌一舉尊

題蔣心餘所藏金檜門小像

昨聞丹旆返赴寢哭微之忽接通門札來徵感逝

詩平生三友在心事一言知

用香山句先生後予十五年入館而愛才

汲引務拔真才有同趣焉

專席襟期遠因風酌一卮

鴻爪如相證曾逢磊落州今朝圖畫裏只當北蘭
遊腳跡前生分心期一炷畱廢莪人可感此事亦
千秋往予典豫章試先生視學於差竣予假旋故
里先生招遊北蘭寺家蘿石庶子時爲諸生
心餘初登賢書予
是年所得士也

香樹齋集

卷十六

三







